



05535

慰託集卷十二

嘉善 黃安濤 編輯

汪繼熊字梓園號芝亭嘉善人國子監生著有聽香館詩

鈔五卷

黃安濤 撰汪芝亭傳君姓汪氏名繼熊字梓園號芝亭

嘉善縣人子妹夫也緒承單門世服良賈李衡洲宅差給歲儲杜氏寶田並貽孫子君長於嫗媪少習統綺嗜好殊乎乳子寢饋契乎古則累棊採蠟之戲不入童心燁掌鎮瓜之勞自劬幼學洎乎乾隆早推孤子當室遠董生下帷之願拋顏公千祿之書爰納粟爲國子監生非初志也君事多張角辰值耗磨室廬燬平鬱攸訟獄

慰託集卷十二

一

失其金矢顧雅尚恬潔遠跡葦塵崔伯謙之清言不及俗事陳元龍之豪氣所諱求田出納付之監奴賒貫憑諸質齊猶復殷勤推解關陷彌縫積通相因築謔臺而已晚漏卮靡底算困門而無策卒之弱顏棨墨孤抱鬱紆桐破焚而半枯柳經霜而易悴以叔寶清羸之體負孝章憂生之嗟而君始病矣君年方冠志在學詩及就甥館彌自奮勵時 先大夫與江浙知名士縉紵聯歡敦槃狎主凡左顧魏塘者君必識之咸謂玉潤之稱無慚乎樂丈津梁所在有得於謝公每當月夕花晨命儔嘯侶嬉春逮乎道暑延秋迄乎銷寒引畢卓之芳樽結劉刪之文會更唱迭和前唱後于銅鉢敲而逸興爭飛

樺燭殘而豪吟未罷蓋雲龍相逐無以喻其權淙金石
鏗鏘未足方茲高唱也至其願同禽向游慕羊何抒仰
屋之悶懷契尋詩之妙境時則扁舟載酒奚童抱琴九
峯三泖之間提鵬挈鷺西塞南屏之側招鶴呼猿叶鶻
唱於吳趨賦歌頭於水調瘦筇短策撥殘苔磴之雲蟹
舍漁村寫罄烟波之趣此則置身邱壑寄傲林泉溪友
服其勝情雲客引爲同調者已夫以君之襟期邁俗意
趣異人倘假之年孰知其止乃爲長易憂遭家多難徒
作枯魚之泣致摧病鶴之齡生於乾隆四十六年卒於
嘉慶十八年三月年僅三十有三君之亡也先大夫
與郭先生頗仰俱有詩哭之痛惜殊至當君怛化之先

慰託集卷十二

二

養疴於虎邱山館已瀕臨悒猶事吟哦聳病榻之山肩
雜藥方於詩草長吉赴名會不辭乎嘔心文園著書豈
見廢於消渴跡其精專良可嘉歎著有聽香館詩集五
卷君無子止一女疾革時屬其家人善爲藏弄曰死也
如歸他無所戀未克終我事者有老母在或能畱我名
者有詩卷存耳聞君斯言志士悲之君詩胎息晚唐含
咀南宋清婉蕭散如其爲人譬之芹葵作菹詎俟崇鼎
之飾宮羽迭奏不遺小石之調要其至處尤在七言流
轉如丸囀春鶯於花底精爽時露立秋隼於峯尖若謂
平子愁多仲宣體弱統觀衆製未足爲君病也予與君
親屬崔盧交同稽呂文酒之讌合尊促坐山澤之遊倚

裳聯蔭墜歡不可復續音塵行恐就湮定敬禮之小文
敢辭潤飾聽子期之鄰笛追悼生平烟墨用濡履綦若
接風前雪涕寄附大雷之書泉下有知愧乏湘東之管
古體詩

泊舟普陀庵用東坡夜泊牛口韻

夕陽欲下山暝烟生渚口移舟向茆菴繫纜水楊柳溪翁罷
釣歸魚蝦上市售於焉治晚餐篙師急沽酒小飲坐篷窗對
月傾一斗翦燭更深談不覺漏沉久自笑來胡爲特爲山靈
誘遊山待婚嫁毋乃太株守清游已大佳况復偕詩友
頻年杜門居俯仰一室陋明隨猿鶴羣笑謝牛馬走

胥江夜泊

慰託集卷十二

三

遠樹生微陰衆山忽已暮暝烟水際浮繫纜向前渡沽酒作
晚餐一醉冥百慮須臾水盪臆知是山月吐漁舟宿火明出
沒隱叢樹春濤船尾春靈胥有餘怒欹枕不成眠閃閃瓦燈
灶旅宿縱生愁暫爲山水住明朝雙蠟屐擬入靈巖路聽水
更聽風渺然從此去

秋熱戲作

天道有流行寒暑迭相代涼燠苟失時疵癘民物痍今年閏
夏過私喜炎疔退無如入秋來苦熱了不貸朝暾上簾旌烈
烈如蒸焙浮雲過眼前猶作峰巒態晨餐厭饋餽渴飲思沉
澹紅友嬾不呼綠飲渴可愛涼颺絕樹杪晴電閃雲內散髮
坐當軒流汗溢肩背嗟予苦病身瘦骨尤難耐炎官太持權

已去仍踞位何當訴天公一斥不容再

夏日齋居

人生七尺軀墮地弧矢志爲言行四方學成須小試無如爺
偃蹇所志非所事蹉跎近卅年落落爲世棄却掃常閉門一
屋聊蝸寄率性任天真笑歌無謹忌從此日復日天放亦天
賜
我家有老屋小似瓜牛廬挂壁只琴劍插架惟圖書不意城
市中儼若山林居朝來梅雨歇呼童爲掃除疏簾下一桁木
榻置一隅攤書與讀畫偃息聊自娛屋傍半弓地有竹兼有
梧愔愔綠陰靜炎暑當晝無偶然成小睡夢醒旋提壺詩成
輒自吟此中見真吾

慰託集卷十二

四

十月望夜同頻伽琴陽兩君飲友漁齋約過靈芬館
作達旦之談霽青與焉余以事牽率不獲去翼日見
琴陽畫霧中泛月冊子三君各有詩記事輒和一首

人生快意境得之皆偶然良朋與好景相值寧非緣高齋昨
酒闌街鼓統如傳於焉挈小艇搖兀行前川是時正三五永
夜清輝圓須臾薄霧生迷濛雜寒烟聞墜鈴語不見漁燈
懸柔櫓雅軋鳴方知畧約穿姮娥如閨姝重簾隱嬋娟畧許
見髣髴愈益風姿妍諸君劇好事倡和成新篇景奇語更險
幽峭爭劉鏞猶恐摹不盡淡墨烘長箋想見卜夜樂譚藝床
相連我媿未相從讀畫心悁悁作詩追亡逋歷歷如目前

松江美鱸魚陶莊貴黃雀從來論物產如民要土著當湖有
珍禽賤不數海錯城東古屠墳林茂欣有託秋風雲羅長黃
口就束縛伐毛付厨娘清醬和芍藥酒人見之喜風味耐咀
嚼允堪敵綿羽豈復論餽脚所嗟萬里來性命付微繳紅椒
逆鼻香消寒佐清酌

 豆腐乾

淮南有遺術後出更新異水乳既融和燥濕互位置誰云一
闔市別具八公智此鄉貴乾鱸脯腊充列肆羽族乃同意濡
染得俊味尊前與茶邊細膩見風致黎祈喚蜀人豆豉記廉
吏不知古人制亦有此法未吾生本腐儒淡泊固所嗜一笑
詫何會食軍太容易

慰託集卷十二

五

姑嫂餅

劍南美餽飪東坡重雲腴吳均與束皙作賦誇區區場來當
湖市佳號傳當鑑纖織出手爪邱嫂偕小姑名隨裂十竝制
比牢丸殊紅箋細包裹其數五有餘當齒欲粲花入口如凝
酥向聞人說此垂涎良有諸紅綾曲江讌自分非吾徒從今
飽殘牙不作畫地迂

水樂洞

遙聞韶鈞鳴鏘然孰鼓考緣崖十里尋始見巖洞好泉瀑湧
石竅繁響激竊篠清如蕤賓躍驟若銅山倒初疑壑谷公開
宴避晴昊又疑幔亭仙張樂落雲表沁我詩懷清箏琶可一
掃如何名勝區埋在豐草寥寥世外音此譜山靈造坐久

且酌泉清風振篁篠

石屋洞

遊山無遠近勝處宜勾留茲山更多異巖壑爭雕鏤誰施巨
靈手劈此古洞幽別開天地界雲日明雙眸寒光自流溢
影搖人頭壁鑄千佛相依然而面壁修巖花自開落澗草無
舊題名有坡老千載傳風流我來欲勒石錢筆無銀鈎作詩
託不腐記此丁卯秋

寒窗雜詩

冬日雖苦短幽居頗亦好老屋三兩間閉門常却掃向陽拓
踈櫺中置木榻小榻拙煨地爐暖日愛晴吳庭中幾樹梅萼
蕾破春早聞吟日相對愛其風骨老有時興淋漓消寒藉清
醪舉杯就梅花一飲輒醉倒醉中忽有詩急起寫殘藁詩成
欲贈花又恐被花惱

慰託集卷十二

六

今年秋雨多農家苦薄收斗米價五百比戶多窮愁我家負
郭產猶幸半有秋上以輸國用入困更自謀聊供菽水奉
毋貽北堂憂八口差得飽此外奚所求行看歲云莫伏鷗遽
朋儔相期結保社斗酒交勸酬歌呼頗自適醉趁斜陽留細
懷擊壤風此樂有異不

峴山

蒼溪百里長四面青山環舟行無定所遇山卽躋攀茲山更
近情平石無險艱我來新雨後濕翠凝烟鬢松聲聽謾謾澗
水流潺潺深林幽鳥喚小鳩閒雲還低徊尋石碣手剝苔花

班高人有故址明孫太初有逸老堂已在豐草間臨風發長嘆霞紫斜陽殿

寶壽寺

柏提隱深鳴鐘響出雲表一門圍松篁結構觀天巧吾來叩

禪房坐愛巖壑好清風響流泉細雨滋澗草境僻逢客稀山

古覺僧老壁間有殘碑歲月猶可考寺建於宋季名光孝寺今名寶壽寺塵間

苦勞生頓悟恨不早他年行脚來打鐘地可掃不厭書買

銷夏集聽松軒分得曝書聽風苦高

秦焰熾祖龍典蹟一切度後來百家出騰躍極抵梧旋作旋

散亡存者尙無數足令媼學人皓首困章句我家少儲藏一

經愧倉庫年來稍旁羅編輯到油素欣然顧之喜若貧兒暴

富叶持比收藏家一粟大倉措然由得辛勤豈不自珍護插

架易蒙塵藏箱恐飽蠹更苦黃梅時每受白醜汗炎炎火織

張啾啾赤龍馭金石成流鑠故紙所遇排若雁齒斜比若

魚鱗附若鼠搬薑勤若葵向陽赴颯風若鳥相遇雨若狼顧

信手覆且翻關心朝至暮人生嗜好殊有疾靡不痾書賈記

目錄經生矜箋注偶得一斷簡斷斷作攷據鰕生非其儔涉

獵聊所慕版無宋元刻字有魚魯誤乃爾謹護視此意良不

悟北阮盛豪華錦綺滿庭布咄哉犢鼻種免俗未能故

冬日飲酒三首

東風吹長養西風吹凋零凡茲覆載內隨化移其形卽得百

歲壽無根如浮萍功名亦何物拖柴與紆青抱志徒戚戚催

鬢成星星幸此身健日何不陶我情床頭有新釀拍甕罍且
清獨謠且獨酌願醉不願醒我師古達人荷插隨劉伶
晉代有高士愛酒不愛名五斗癩折腰歸作無懷民唐李有
逸才美酒如美人長安一闕市醉臥忘侍臣昔賢慣作達高
爵無戀情況我世所棄書劍兩無成天生一酒徒自知敢不
明糟邱從癩臥歡伯聯新盟醉鄉容小住紅友宜結隣此中
有真樂此外奚所營斜陽不我畱歲月何惝恍
清酒比之聖濁酒良亦賢聖賢人莫邁名酒殊可憐冬日雖
苦短以酒消殘年縱無同心友喜有羅浮仙巡檐自索笑蓓
蕾春開先舉觴爲花壽酌向橫枝前花神如有知愈益丰姿
妍清景如不易令我喜欲顛一飲三百杯醉倒斜陽邊

慰託集卷十二

八

集來雨齋分得寒蟬

月令紀節序秋至寒蟬鳴同爲蛭蛻化形與時變更蛭蛻具
五采入夏如沸羹爾何獨後時掩抑鳴不平正如楚逐客胸
臆皆商聲金神司肅殺萬籟含淒清運窮偶值遇豈好爲此
名寒女嗚咽多寒士噫嘆并誰爲反離騷無乃非人情

集友漁齋詠積雪分得暮字五言十二韻

嚴冬雪連朝待伴不卽去散爲一城花積如三里霧墻陰貯
淺深屋山自凝沍銀海千里遙玉宇萬家住堆看小山成埽
作彌勤塑古梅先試萼枯楊忽吹絮飛白竹梢垂塗金墪尖
露寒侵索句人冷逼沽酒路野雀喧斜陽漁舟畫古渡但覺
窗深明幾忘日薄莫小坐好攤書白戰苦難賦翻然朝暎紅

檐溜滴如注

遊奈山

吳淞九點煙奈山最名勝夢想十年餘東遊始乘輿窈窕納
清幽單復峙聯巨虬松翠接天修竹綠插徑敢辭小步艱曲
折行苔磴鶴唳起何處翛然動遠聽緬懷子野居遺庵磳礎
剩清詞契千古凌虛呼欲應此山足蘭菊良譜問誰訂戢戢
如玉參山人忽我贈何當攜酒來一配野菽飮斜陽奈相催
抹紅行就暝

遊雅山

衆巒鬱嵯峨四合若環抱雅山自言高竄立殊矯矯何年鬼
斧劈成此峰巒巧石色極黝黑綫路相繚繞洞門出空嵌仙

慰託集卷十二

九

洞峰影勢駸裏

天馬峰

惜無十丈樹亭亭矗雲表小紅放巖花

慘綠鋪澗草行吟恣閒遊小步足幽討天風動地來踏雲亂
歸鳥子生塊磊多登臨或可掃海波一極目坐覺我躬小何
當乘飈車因風訪蓬島

立夏後二日頻伽丹叔兩君偕往網球看紫藤花還

過壽生青棠館小飲

春光不我畱夏首亦復好景物猶清和餘花想窈窕三人雁
行聯信步恣幽討喚渡到溪濱高槐入雲表紫藤依倚之如
織絡其杪拔地蛟螭盤行空蛇蚓繞上爲光音天纓絡裝七
寶下如布金沙繽紛滿瑤草不知植何年誰見此樹老惜無
好事人結屋臨溪泊不然提壺來花下判醉倒還敲竹間門

談詩塵俗婦主人亟呼酒吹燈酌清醪酒腸如渴羗沉醉忘
昏曉歸途影踏蹕仰見新月小

春道院銷夏

掩關過長夏岑寂一事無詩城軍判散酒國兵亡遁不知五
濁界何地爲冰壺城西古琳宇水竹環縈紆翩然借數子短
棹穿菰蒲深堂蔭老桂水檻依高梧軟紅塵不到自是清涼
區誰知逃暑客揮汗猶嗟吁炎官一何虐以我處洪爐何當
牋天公急使長風驅須臾合樽坐蔬果來山厨酒腸頗畏熱
豪飲難歌呼晚來雲影散爽籟調笙竽船頭一九月快若招
涼

慰託集卷十二

十

食菊葉餅

雲腴重佳名蓮華傳妙製饌饌饌櫻桃如餽飣金鑾記古來餅
餌中不及杞菊味今晨來琳宮逃暑兼遊戲黃冠愛說餅東
籬添韻事白麵重羅勻翠葉溫水沸前付牛酥清味比馬甲
脆色猶寒具同製與牢丸異入口清香生著齒粲花易頗憐
盍簪人一笑有同嗜子生藜藿腸食單謝肥膩餐英殊可風
采頤且快意却笑何曾豪下箸萬錢費

舟中與子未聯句

曉寒吹雨絲子未霽色喚幽鳥景物媚清遊芝亭駕此扁舟小筆
牀例須攜子未茶具何可少閒鷗導我行芝亭綠水照顏好葦叢
茁離離子未藤葉垂嫋嫋沿堤野薇香芝亭覆徑女桑繞此中坐

延緣子未卽景愜幽討蠶豆欣賞新芝亭鷄缸試斟卯談諧極歡

娛子未放浪拚醉倒閒遊貴適意芝亭豈必海與島我吟君寫歌

未互答聲縹緲何如皮陸儔芝亭倡和松陵道子未

冬日偕瀟谷登瓶山

西風瑟瑟寒日晴清遊偶作扶藜行壚頭買醉趁餘興還來

仙館尋詩盟小山一簣峙城角相傳宋代堆餅罌羽衣挈我

共登覽細路犖斲兼迴縈打頭黃葉胡蝶亂滿耳謾謾松風

聲山巔高閣屹然立鴨脚相對枯枝撐危欄斜倚俯四面范

寬平遠圖中呈殘陽一綫閃鴉背楓葉十里遙村明須臾蒼

然莫烟合山房隱隱踈鐘鳴因思今秋發遊興西湖一葉扁

舟輕看山不足便歸去徒令夜夢猶牽情茲山雖等部婁小

慰託集卷十二

士

爽氣已入吟眸清道人居山適山性石鼎久識軒轅名逍遙

物外亦齊物斥鷃何必殊鵬程下山一笑更洗盞送人織月

娟娟生

上元後五日頰伽先生丹叔壽生退盒外身霽青集

墨檀樂室卽次壽生元韻

燒燈節過春猶淺終日蕭齋坐一祇安本分守蝸廬不省

榮名題雁墀潘君訪我來吳江替約人開小閣詩攜袖底

出爭看酒熟甕頭呼共啞沈沈未要問千鍾泥泥何妨傾百

榼艷歌任爾唱黃鷄猛燭由他跋紅蠟就中一老慣江湖頰

伽先歲暮日歸因伏臘登岱從教小部婁觀海自應輕沛濕

誰知葑菲不見遺爲言針芥由來合往時辱贈琳瑯篇鄭重

相期未能答深慚賤子坐愚懵豈敢名場誇結納自甘閉戶
冬學研不厭覓句秋林踏身才六尺少已孤立欠五經年近
卅推書撲筆有時疑隱几無言忽然啞噓枯何幸被春風窮
谷回和變答颯照我昏夜燈明明指我迷途履跋跋卽看記
事今朝詩行吟繞廊脚百匝罰愁金谷韻偏難詞遜江郎體
先雜辟如法帖本渾成輾轉形神失摹搨詩成未合阿買鈔
還乞先生重補納

墨檀樂室畫竹歌

古來畫壁虎頭好乘輿滄洲憑一掃風流已杳不可追臥游
那得開懷抱西湖畫手采芝生丹青久檀良工名榻來訪我
鶴湖畔胸中芒角殊崢嶸酒酣往往事遊戲素壁千尋笑凝

慰託集卷十二

七

聯勁節瘦來蝟縮身烟梢展出猿通臂金壺一醮墨汁乾埋
鞭頃刻報平安澆時隔日無煩記飽看蕭郎十五竿平生愛
竹如良友其奈閒庭無半畝今君爲我寫此君千戶封侯一
朝有湘江不復勞夢尋臨風時聽鸞皇吟日日尋詩繞百匝
奚童覓句來秋林從此吾廬差不俗對酒何須羨梁肉果然
畫筆能通靈會看來年茁蒼玉

韻山招集問字草廬酒後留宿齋中別後奉寄

入春匝月風光媚大好遨頭排日醉連朝茗芋百不知春眠
一覺猶思睡夢中芻狗方竊疑何處魚鱗又充使扶頭強起
就歡場滿座高朋後先至金君擇交頗矜慎有飲無非爲文
字堂前難得陶母賢治具雷賓脫簪珥吾慚慘綠杜黃裳未

座周旋不遐棄今朝痛飲那敢辭屢見銀燈剔紅穗衆賓星
散我獨留論畫談詩語無次外間多少少年場似此清緣豈
容易朝來別君返故廬詫語家人感深意他時拜母若登堂
更問青州舊從事

六月十一日查家蕩觀荷分韻得先字

頻年六月暑可畏今年六月涼可憐朝來爽氣動游興初日
照到芙蓉邊招呼熟客挈蠻榼楸頭船小行延緣微雲淡日
互回薄水禽嚮燕時翩翾浮萍破碎魚動鏡一篙刺入玻璃
天香生衆萼宿睡醒露瀉萬柄明珠圓嫣然姹女倚妝立向
人門豔爭嬋娟櫓枝搖動怕相礙未得曲曲花叢穿柳陰深
處繫纜住聒耳流噶無鳴蟬狂歌痛飲且快意碧筒杯作飛
觴傳霽詩以荷筒流觴水風涼趁酒人好菰蒲已作秋聲先土龍幾
處正乞雨枯棹輾轆喧平田農夫辛苦我輩樂卽事何必非
神仙看花有分要知足西湖十里空情牽催歸牧笛乍來下
蒼蒼落日生荒烟荷葉擺頭舟轉楫一痕涼月蓬窗懸

幽瀾泉煮茶歌同霽青作

我鄉自古多名勝今日搜尋半難證城東只有幽瀾泉一泓
清徹禪關映訪古來作招提游轆轤隔院鳴咿嘔正當酒罷
舌本渴玉繩汲取雲腴幽風爐活火浮花細臥訝松聲落空
際不嫩不老旗槍開劣得前人煎水意一甌潤我詩腸枯快
意不減玉川盧山僧銚錫慣千里珍此也復如醍醐我聞天
下名泉傳者衆中冷惠山玉女洞此泉若早置通都未必諸

泉非伯仲他年君如黃閣趨煎茶試院追髯蘇銀瓶瀉水玉
腕捧還記磚爐石銚無

瑞竹居圖爲毛芳谷題

毛公昔日偶插竹雜援花枝似屏曲花開花落幾春秋忽爾
枯竿放新綠風梢露葉垂青青飾金戛玉插中庭區區榮悴
一物耳與人何事通精靈惟公自幼悲失怙奉母晨昏備勤
苦孟家冬筍田家荆獻瑞呈祥爭娟媼於時爲葺屋三楹卽
以瑞竹題其名老幹孫枝互倚倚好風時報平安聲北堂一
且靈萱謝奇絕此君隨怛化枝樵葉悴生意盡同盛同衰足
嗟訝往事追思已百年後裔重寫丹青傳人間忠孝本庸行
瑞應從來亦偶然

慰託集卷十二

十四

十一月十日同頰伽先生霽青瘦山崑園蔣秋舫

溧

泛舟東湖登弄珠樓

西風作意開曉晴大鳥啞啞爭曙鳴詩人心性愛冷淡衝寒
發興東城中流小艇坐搖兀漸見一塢船頭迎湖光淡淡
盪碧空蒹蒲蕭瑟如吟聲人家水閣有寒色文窗深閉垂簾
旌沿堤黃葉亦已脫菱芡卷淨玻璃平高樓突兀抵百尺紅
闌窈窕開檐楹遠山浮眉排闥入小波皺縠憑欄生高桅歷
歷見估舶漁舟一點飛鳧輕此湖形勢分九派蜿蜒爭此驪
珠明眼前風景劇清絕何況秋月兼春鶯前游回首已三載
重看素壁無畱名見人沙鳥定相識只憐詩鬢今星星飛鶴
豪氣湖海溢拍檻高唱魚龍驚舟師催喚理歸楫蒼蒼然莫靄

城頭橫滿船好景載不去再約浩蕩漚邊盟

頌伽先生招同人集靈芬館詠爰益得別字

朱家銀槎世無匹黃家錫壺頗難得天生五金原並用不謂
徒供酒人職邇來良工出新製合土鎔成仰孟式下承小蓋
注燒春燭火熒熒長不熄冬厨行炙用最便能使賓筵不寒
食吾曹真率文字飲往往開尊到日晏禽冷羹殘繼未能流
啜深譚醉忘出浸滂大宅陽氣回酒力居然兼火德持比唐
家自暖杯彼特天工此人力何妨子輿譏熱中一任鄮侯嘲
火逼既宜飲食宜子孫寄語陶家世爲則

咏真研齋所藏蟲蛀硯

物必先腐蟲乃生朱提蟻蝕非恒情柔能克剛理亦有硯材

慰託集卷十二

五

蛀出端溪坑我聞端溪之石未出水菽乳雞蘇同軟美不然
本質頽雲凝那得攻堅憑利嘴蜿蜒屈曲細路通奧竅力關
真旋蟲無堅不破微不入鑽研畧與文心同世人混沌鑿何
有應被之蟲笑開口真研不損業不朽先生自有雕龍手

題頌伽先生靈芬館圖

先生昔住分湖傍荷花世界葦蘆鄉三間老屋市鬻雜中有
金石聲琅琅水村作圖繼往哲習師漁父名相當歌斯哭斯
聚骨肉不謂人事多參商揭來移家古魏塘卜居賦就聊相
羊當門一痕映紉埕繞屋幾樹搖青楊香爐茗椀妙位置插
架萬卷堆縹緗維摩丈室花雨散玉川破屋茶烟颺論詩時
與卯君共繫鞋而出歸對牀胸中萬間自突兀打頭雖小庸

何傷敬通顯志語悲憤三同四異誰能詳坎珂才命畧相似
吉占告以能文章華嚴樓閣彈指見烟墨落紙餘芬芳外人
但苦鐵門限雀儻之室空相望胡繩纏纏煩接引許我問字
時登堂從茲安宅可終老泛泛不逐鷺鳧翔花潭相距纔咫
尺千家有北潭精舍閒來詩酒同清狂江籬遠岸春風香記取踏歌
人姓汪

飛來峰

肉翅何由附山骨隔千萬里能超越夸娥信具大神通終古
寺門青突兀巖扉洞戶如螺旋一線呀闢醜鷄天神斤鬼斧
運不得胚渾鑿自鴻濛前松聲泉聲答清響飄飄頗有凌雲
想千佛列坐諸天高未許遊人攝衣上山靈只解自出奇他

慰託集卷十二

去

日飛去誰能知飛來飛去山自在壑舟笑爾紛紛移峯陰覓
句徘徊久一霎清涼且消受何當拾椽住空巖試問猿公肯
容否

登六和塔絕頂同霽書作

碧空鷗鷖摩秋晴天風吹落金鈴聲眼光飛向高處著一塔
屹立江干迎盤盤石磴攝衣上瞥然絕頂臨檐楹紅欄曲折
俯四面足底彷彿浮雲生秋濤滾滾走羅剎越山點點窺錢
清惜無鐵笛叫鸞鶴遠招仙侶來蓬瀛勝游得與故人共登
高能賦才英英臨風拍檻書長嘯佳句直恐青天驚

雲棲

平生夙有探奇癖慣著尋山幾雨屐招提深在白雲中直自

山腰到山脊琅玕萬个轟森森一徑綠雲搖石壁蜿蜒磴道
仄行行漱玉流泉鳴日夕峯高時有老猿吟林暗偏無啞虎
跡閒尋鐘響到僧房小坐蒲團卸巾幘齋厨粥飯隨老僧不
醉陶公差可惜非絲非竹耳暫明入座幽禽啼格格詩情畫
意滿眼前底事勞生被形役嗟予兩鬢漸星星回首光陰駒
過隙可能行者住清涼掃地打鐘惟所適俗緣未了下山來
一抹斜陽送歸客

武原觀海

武原邑小城如斗大海茫茫向東走伯牙久去琴臺空只聽
潮音四時吼海潮最怒當清秋巨觀不讓錢江頭始如匹練
界空際雪山高蹴銀濤浮須臾忽作鼉鼓震逸足長驅來八

慰託集卷十二

七

駭老蛟起舞大魚驚雲日模糊風力橫中流兩山俱動搖石
人腿戰天吳驕豈知漁師輕性命竹筏當楫來迎潮狂瀾過
去疑山倒一氣青蒼歸浩浩吟眸眩轉心神懍却詫平生副
奇抱夜來夢繞千堆雪宮闕金銀恍明滅手中裊裊一竿絲
笑謝長鯨未能掣

下下六嶽五嶽泉山日夕峯高時有老猿吟林暗偏無啞虎
跡閒尋鐘響到僧房小坐蒲團卸巾幘齋厨粥飯隨老僧不
醉陶公差可惜非絲非竹耳暫明入座幽禽啼格格詩情畫
意滿眼前底事勞生被形役嗟予兩鬢漸星星回首光陰駒
過隙可能行者住清涼掃地打鐘惟所適俗緣未了下山來
一抹斜陽送歸客

慰託集卷十二終

慰託集卷十三

嘉善 黃安清 編輯

汪繼熊二

古體詩

上巳前三日退菴外舅招同頻伽先生丹叔獨游集

馴鹿莊兼懷霽青都中

春來不負鶯花好縱飲鑪頭輒醉倒中酒連宵曉未醒朦朧
枕上聞啼鳥披衣起坐一事無忽見折簡來奚奴金閨有客
乍歸棹時頻文歸自吳門 瑤席已向花陰鋪重三節近百五連是時
風景真堪憐小桃深紅柳深碧村鳩啼兩鶯啼烟韶光九十
渾如夢轉眼青春又須送丈人行樂常怕遲賤子狂歌飲能

慰託集卷十三

痛一笑尊前落身停盃忽憶遠游人故園芳信都拋却軟
踏東華十丈塵

小寒食後三日子未見過聽香館飲紫藤花下醉後

作

春光九十行過半花信番番暗中換長紅小白取次殘剩有
紫藤開爛漫窗前獨坐憐殘春敲門忽喜來故人論詩讀書
開笑口甕頭浮螳剛清醅相對花前傾一斗瓔珞垂垂如紫
綬凌霄勢作蛟螭盤此樹生來百年久酒酣莫訝狂夫狂世
間有幾歡娛場少年爾我各青鬢眼前春物殊昌昌人生隨
處都如寄富貴榮華等閒事文章身後亦虛名何苦清吟還
擁鼻杯行到君君莫辭今日不樂更何時提壺一鳥勸人醉

重來便恐繁花稀

道場山

吳興自是山水窟繞郭峰巒盡碑兀一堦巋然建道場船頭
碧浪青螺凸攜筇上岸彳亍行引客一路山禽鳴松篁穿盡
蕭寺路入門潑眼池光清峯顛翹首隔尋丈飛雨攔人不容
上白雲深處有茆菴吹下天風鐘梵響衆妙羅列垂雲鬢心
知幽谷殊塵寰一自坡翁履屐到至今過客爭躋攀小坐雲
根酌清酒山氣濛濛泉溜瀟石頭路滑怯窮探尙恐山靈笑
孤負

弁山

碧浪湖邊山不數問不知名笑行路蒼蒼高弁天語聞認他

慰託集卷十三

二

片石流傳句

徐陵孝義寺碑云高弁蒼蒼遙聞天語

溪灣曲折剛進舟石磴崎

嶇劣容步蒼官青士列兩行涼影冥冥疑薄暮山腰忽聽流
泉鳴直似雲山奏韶護又如吹落佩環聲恐有山靈隔雲霧
十年夢想得佳游恍若良朋欣乍晤前峯後嶺應接繁一步
舉頭一回顧更從絕頂窺全城十萬人家畫中住城居何似
山居幽離垢超塵渺清慮平生有願向平同何不繫鞋從此
去

水碓行

山民造紙先治竹倒截琅玕碎青玉千播萬杵貪天功却向
懸崖借飛瀑清流高瀉片石攔作勢擊撞車轉轂咿咿啞啞
同轆轤下下高高互敲撲奔騰廻旋去疾於風一竹初斷一

竹續水聲竹聲各自喧響自山腰應幽谷梁生杵白無乃勞
丈人楛棹未免俗吾無機事與機心只待詩成寫橫幅

銷夏集三分水閣分擬得閩友倩采蓮女

桃葉漿木蘭船青蓋亭亭似鏡圓晶簪明水底羅袂颺風前
堤上驚逢游冶子含羞棹入柳陰邊

新水引雪兒歌穿花艇子疾於梭藕絲愁緒密蓮子苦心多
愛向柳深深處泊山蟬金奏和迴波

銷夏集三十六鷗亭同賦招涼曲

莫唱苦熱行莫作悲秋賦聽我歌招涼招涼向何處白漚天
外荷香遠紅蓼洲前碧波淺風廊水榭最透迤霧閣雲窗偏
宛轉穿花閃閃流螢飛闌干六曲誰相依樓陰乍轉河漢直

慰託集卷十三

三

冰肌酒醒風吹衣月華亦愛秋來好樹底澹黃篩荇藻照入
羅幃竹簟明中央四角涼生早涼生易醒鴛鴦夢暗覺流光
等閒送金鴨還添石葉香玉纖已怯瑤琴弄徘徊人在幾重
樓銀漢金波淡不流顧影攬衣徒惘惘含情歛怨自悠悠此
時此景最堪憐未省多情損少年拋來小篋班姬扇剝剝空
房相府蓮世上多情定誰是只有秋娘與秋士那堪白苧寫
新聲爲怕朱顏照流水秋娘秋士各驚秋歌罷招涼特地愁
何似醉吟池上客倦來一覺伴眠鷗

集餅山道院分詠七夕故事得太真私誓

流雲卷淨天宇暮銀漢迢迢隱宮樹雙星今夕正佳期離合
神光渺何處銅壺已聽漏點遲長生殿裏無人時宮中最重

此令節縈紆屯字蟠蛛絲溫泉浴罷徘徊久月上華清最高
柳從知富貴帝王多尙念神仙別離有凭肩設誓要君王鵲
尾金爐石葉香生生世世言猶在脈脈絲絲恨轉長蒼黃風
雨驪山鞞掩面迴身感恩重可憐不及白茅人喚醒沈沈帳
中夢人世痴情兒女多天長地久奈君何曲江縱有千秋鑑
不換香山一曲歌

清溪打魚歌

清溪得雨高三尺波影濛濛盪空碧一舟撐出柳陰來恰趁
平橋開細柵東船西舫來奔忙合圍颯沓波中央老翁撒網
婦持楫船頭與水爭低昂須臾提網靡不有白小王餘可論
斗忽聞齊力聲謹饒尺半金鱗紛入手得魚攜筐入市去歸

慰託集卷十三

四

向溪頭連榜住瓦盆沽酒醉如泥銅斗聲中夕陽暮江鄉生
計無處無餘利兼可收菰蒲老農何如老漁好打門無吏來
催租如儂亦是水鄉士簞笠端宜老烟水擬把詩筒換釣筒
嘯歌去逐天隨子

六月望夜鶴湖泛月作

青天上下同玉壺水光澹宕琉璃鋪浮烟遠樹渺無際一顆
捧起驪龍珠我來追涼作夜泛缺瓜船快輕於鳧七八紅菱
偶相值兩三白鷺時與俱是時風光正午夜匹練寫出橫江
圖浮雲埽盡萬籟寂水風瑟瑟鳴菰蒲天光一碧水十頃露
華滿野月滿湖船頭跌坐樂莫樂有酒未要敲門沽興來狂
呼老漁起銅斗醉拍真吾徒造物生成無盡藏此言吾服東

坡蘇荷華世界明月窟蟪蛄局促良區區須臾忽見斗杓轉
娟娟皓魄沈西隅倦來跛脚試穩睡夢中元鶴能來無

華潭納涼仍用前韻

花潭一水如冰壺淥淨不許浮萍舖波心忽見樹梢月露華
已綴荷盤珠圓沙各有水禽占戢翼那辨鷺與鳧前宵空澗
此幽奧濯魄真與神仙俱一層天色一層水天水天接處難爲
圖須臾素月低欲墮流光迴照風中蒲尋思此景孰可並除
是買棹來西湖西湖猶遜華潭好華潭有酒不待沽科頭赤
足磐石坐旁人或笑高陽徒經旬酷熱頭目眩得此盪滌神
爲蘇打鐘掃地寓言耳眼前卽是清涼區橫斜河影射屋角
瑣碎蟲語繁墻隅却想城東老詩伯踏歌來共追涼無

謂頻加先

慰託集卷十三

五

生

立秋日集長春道院以槿榮芳園蟬嘯珍木分韻得

珍字

連朝溽暑苦蒸鬱金鴉展翅如火輪閉門喜無襪藏客高臥
欲傲羲皇民今晨井梧一葉下爲報白帝方司辰詩人有例
立秋賀范石湖詩且對西風賀立秋我輩高會無逡巡琳宮水殿劇明瑟
清風掃竹驅纖塵庭中桂樹老偃蹇可有八公者其人後軒
臨流更幽絕稻陂綠到波粼粼合樽促席嚼復嚼野簍甘脆
逾兼珍酒腸畏熱渴已久得潤何啻蘇枯鱗狂來未暇及文
字醉倒一任缺冠巾須臾黑雲砲車起鞭雷噦雨誰通神虛
堂晦冥歛如夜頗思樺燭高燒銀景光變幻眩頃刻斜陽已

復穿松筠始知此會天所許涼意洗出新秋新從今招邀可
排日行看牛女來河濱

開齋約七夕重集

集網師榭分得清閨閣沉香杯

老龍骨蛻節不朽膏液流灘獨堅厚何年得自採香人製作
欣逢巧匠手圭稜隆殺依天成覆如犢角蘭粟呈博山爐內
焚不得伯仲雅間良有情鐫來歎識真珠擬聞名人識倪高
士摩挲入手心目驚斑爛古色疑深紫太湖之旁虛堂深碧
梧桐洗天悄悄持杯小飲倚薄醉自含淡墨圖秋林當年賓
客知誰是玉山才子楊鐵史流連觴咏遞相賞想見馨香生
頰齒三層方塢安在哉雷與我輩充尊壘世人只解紅裙醉
鞋拓廉夫掌上杯

慰託集卷十三

六

集華潭精舍分詠魏塘古蹟得舞袖峰

我鄉苦乏山林趣知有奇峰在何處麟湖沈氏北山堂一拳
雷得行雲住烟巒霧障殊崢嶸扉洞戶開晴明巫峰彷彿
見神女古苔亂點霓裳輕激楚回風亦有畧作小垂大垂
手旋娟綽約月下看飛燕娉婷掌中走相傳良嶽徵花石誰
袖金椎來一擊破碎猶能舞白題消沉幸不隨金狄摩挲懷
古愈情深薛荔荒涼落日陰山花木葉紛飛動只少松欒橫
十尋

山有老松九櫺今一無存者

延秋第七會集月玲瓏軒分題閨秀畫卷得楊雲友

段橋秋柳

秋孃心事春風手不畫春山畫秋柳一幅生綃見六橋蠶眠

小字書雲友蕭疏景物殊空濛段橋一段斜陽紅豈因離別
怨搖落昔時綠鬢成飛蓬好事吾宗老詩伯

雲友此圖爲家
然明先生所藏

名香供養逾圭璧試看卷尾數行詩一輩名流皆動色訪秋

會記踏湖堤芳草紅心路易迷智果寺外幾株柳惟有昏雅

自在啼

雲友墓在
智果寺後

以臘酒送頻伽先生用東坡送碧香酒與趙明叔詩

韻

人生能飲皆仙流樂聖銜杯傳左相渴思十斛傾新醅爲買

楓溪臘中釀獨譚獨酌敢自私一車恐有蒲臺謗

陳信集云
蒲州刺史

中山公許酒一車未送頻伽先封泥火急走長須賸以新篇

助詩帳詩篇劣作語牙牙酒力能回春益益他時尙欲借書

慰託集卷十三

七

來循劍探支一鳴餉

以越酒送壽生用前韻

詩人誰似潘邠老玉立長身好骨相一囊之粟恆苦飢種秫

無田佐家釀草堂兀坐冷於水白眼頻遭俗子謗頗思近局

相招邀其奈逼除忙簿帳呼童爲送越州春稍助吟情到益

益坡翁一斗笑寒酸賤子能無媿此餉

壽生見和三詩意欲令予退舍也再用前韻奉答

風餐雪虐催歲宴枯坐真成病者相紅箋忽送琳瑯篇詩味

清醇似春釀君才自是大國楚拔旆投衡誰敢謗偏師一出

占上遊已見牙旗森玉帳疏狂還復不自量怒癭只愁生甕

盎探梅有約待春來攜壺兼以紅丁餉

見放翁詩

頻伽先生依韻見和再用前韻奉答

先生愛詩不愛官自作山中真宰相枕圖莊書擁百城滿腹
春和深醞釀新詩垂和至再三以蚓投魚我愁謗移家來此
近十年未座劣容黍絳帳蕪詞還藉月且評時以拙稿就政黃鐘不
陋牛鳴益貧家媿少束修羊只好時時醴酒餉

頻伽先生復用前韻見惠水仙花虞山酒仍用前韻
奉謝

凌波仙子清寒品以水爲家無色相琴川麴生風味佳醞濃
不數蒲萄釀何期二妙同遣致拜賜未免貪夫謗名花名酒
喜得兼餞歲居然富供帳被花惱徹只顛狂獨飲不覺傾瓶
益先生好事亦太奇載酒翻爲門生餉

慰託集卷十三

八

除夕前三日大雪作歌

西風忽送跳珠急瓦縫勻箭簾罅人誰知造物妙遊戲一夜
玉龍鞭起暫先生曉來一事無推窗瞥見瓊英鋪冰壺銀海
畧彷彿瑤花琪樹同模糊歲云暮矣三日騰却喜天公助清
興似嫌寂寞度殘年故遣寒窗珠玉瑩茫茫風景真堪愛嚴
寒合讓詩人耐柳州蓑笠釣江船孟老尋詩跨驢背余生多
病骨支離也自衝風坐少時催來藥債贏能了敝到羊裘特
地披欵門好客縱無有獨酌呼童且煖酒一年詩就又添詩
自賀還須傾一斗

唐花歌

東皇儀仗猶未回千紅萬紫初含胎阿誰手奪造化力坐令

寒谷成春臺深房掘地作花窖焜火圍爐暖相照澆以溫水
熏疏黃下策能攻有奇效柔條忽看嫩葉生轉眼幾簇開繁
英小桃吐紅梨吐白鼠姑爛漫將離榮噓枯吹生太容易發
洩何曾有餘地羯鼓無勞唐帝催綵旛要遣封姨避居然合
隊五侯家艷粧炫服蒸雲霞漫誇戚里移春檻絕勝官人剪
綵花探春有客真好事不惜黃金買姝麗歲朝清供門豪華
僥倖園丁十倍利我爲勞觀三太息可惜好花生意極但合
眩目快一時豈顧根荑暗戕賊歸來問訊故園梅偃蹇虬枝
臥古苔便教雪壓霜欺得十日東風亦自開

臺桂歌

并引

秀州城南五里許有晏公祠庭植老桂一本大可

慰託集卷十三

九

合抱枝葉扶疏盤結五臺望之儼若浮圖秋時著

花香飄數里數百年物也好事者每過觴咏其下

庚午中秋後十日棹出南湖因往觀焉爰作此歌

以記

泰山之松岷山栢得天獨厚逾千齡其餘散材顧莫比春榮
秋落頻換形秀州城南古祠側扶疎老桂森中庭蟠柯曲幹
十圍大金臺五所凌蒼冥天香拂拂動雲外秋風十里聞芳
馨此花豈特世人賞羣仙應亦來雲軒苟非神物爲呵護歷
久那不隨飄零小山招隱古所賦合浦枝葉能常青定視此
樹爲伯仲咏歌久已標圖經閩川桂塔昔夢想畢秋帆尚書
原籍休寧其
祖宅在閩川庭中有桂
花繪凡七層大數十圍清遊恍到尚書廳樹身已是窳堦波

護花宜挂九子鈴桂兮桂兮得圓相我詩傳仗花之靈

九日登橫山

金烏飛上浮雲走天爲遊人作重九扁舟一葉下吳淞九疊
峯巒近招手就中名勝數橫山策杖尋幽不容後况當佳節
側登高肯使山靈咲孤負旋攜屐緣崖行導我前途有山
叟崎嶇石磴敢辭勞直上峯巔須抖擻舉頭忽覺眼界寬老
鶻盤空獸張口東環城堞羣峯西左控松陵三泖右蒼官青
士薙楓杉厯亂紅黃見鴉鼻白雲深處忽鐘聲知有茆菴隱
山阜緬懷二陸昔風流自與此山名不朽後來尙有王山人
史筆槃槃繼歐柳其餘湛輩縱登臨翳然那復知誰某人生
容易幾重陽年少光陰一回首只憐汗腳不少雷歸坐船頭
酌清酒詩成醉倒玉山頽寂厯斜陽掛窗牖

慰託集卷十三

十

題薛濤餽牋圖

萬里橋邊春水綠枇杷花下人如玉啼鶯語燕弄春風繡戶
文窗麗晴旭掃眉纔了香在指試取百花潭上水擘來一幅
錦江雲暈碧裁紅乃爾綺桃花色澤浣花名玉版銀光未足
稱三十六鱗充使日新詞寫就總鮮明西湖畫師近作圖衣
香髻影工描摹題詩試問元才子細膩風光似此無

丹叔子未近皆致力岐黃久不作詩作此戲簡并索

和章

城東詩人兩好友一郭泰機一黃九詞壇樹幟逞豪雄坐我
旁觀袖雙手少歲家居不遠遊狂歌痛飲交相酬延秋消夏

兩結社同盟幾輩招閒鷗鳩來一月不相見日閱方書頭目
眩眼明會否隔垣知帶下無須隨俗變史編方術知無疑不
爲良相爲良醫折肱已換八义手選藥定回雙鬢絲肘後千
金苦摸索却令吟壇愁寂寞黃花紅葉置不看爛漫山房栽
百藥子未有百藥山房圖茆檐十日風颼颼小槽壓酒珍珠浮約君來
飲笑相問我有詩癖能醫否

元夕集聽香館

春風吹散浮雲鋪一輪月上天東隅今夕何夕足可惜枯坐
那不愁羈孤杯盤聊爾拈近局談諧相與爲歡娛人生只合
無事飲高陽舊侶皆吾徒玉缸雖少翠袖捧提壺不待山禽
呼藏鉤射覆極顛倒豪飲亦復吞江湖中天朗徹夜交丙烜

慰託集卷十三

十一

娥顧盼丰姿殊譬如美人動光艷嫣然一笑迴清臚移樽就
月坐磐石霜展繪出西園圖人生縱得百歲壽月則猶是人
老夫愚者惜費達者笑有酒醕我無酒沽狂來逸思忽全涌
墨點庵作寒鴉塗急將新賞記顛末一失便似追亡逋

二月二日退庵外舅招集馴鹿莊梅花下

人生萬事不宜早惟有看花早最好新正一月與寂寥極目
槎枒老樹老東莊羅列百樹梅看花幾度元宵來今年春寒
太料峭芳信勒住遲遲開朝來忽報折簡至知道溪梅花漸
試屈指已是嫁杏時絕代仙姝見非易滿林晴日烘白雪枝
南枝北開紛紛低徊試向梢頭數一百三花剩幾分一百三花剩一
梢外舅咏梅句也此間雅集舊有例一度看花一詩記予詩劣恐被

花惱只向歡場覓沉醉醉來舉杯爲花壽
曹花一月花能否
要等漫山桃李開看君獨立清無偶

平生愛花兼愛竹一椽小築華潭曲
長紅小白燦芳菲只少
三竿兩竿綠幽居何可無此君
食肉還能令人俗
三秋明月羨瀟湘六月涼
風想淇澳煙梢露葉劇堪憐
誰贈琅玕慰幽獨
君家小園圍東偏多少森森如立玉
入門先見秋雲涼
小飲能逃殘暑酷
幾回過飲蹋歌來步繞千回看不足
乞分鸞尾立中庭
絕勝女蘿補苴屋天公已作十日陰
風雨能令生意速
知君好事定相許
明日攜鋤來剝咏待渠直上干雲霄
鋪席邀君醉醺醺

慰託集卷十三

七

春曉曲

紫絲複帳流蘇好
暖漏初殘春欲曉
屏山六曲護重幃
惻惻寒輕風力小
微酣正穩鴛鴦夢
金翠眉心團小鳳
縹緲巫山一段雲
泥人化作春愁重
臉暈紅潮不自知
枕函嬌倚任斜欹
催人早有金衣喚
坐聽閒關楊柳枝
此時繡閣情悄悄
了鳥窗開翠烟冷
萬花紅入畫簾深
春困撩人難自省

清明日遊胥山

雨餘艷色開晴郊
山桃一夜紅滿梢
少年好遊况我輩
脫手肯令煙花拋
我鄉無山此孤注
却似稱尊無佛處
相傳伍相會駐兵
古蹟尤令後人慕
吳顛越蹶今何有
只有遊人踏青走
鳴夷不返江上魂
來與酒家日盛酒
盤盤石路連陌阡
芒

鞋緩步來山巔前村紅紫後溪綠錦茵繡遍平原田况當百
五風光好士女齊來踏芳草衣香鬢影夕陽天寶馬香車綠
楊道君不見屢廊香徑草萋萋吳女墮頭鶯亂啼英雄粉黛
皆安在付與嬉春士女嬉

韻

過東湖登弄珠樓用秦小峴少司寇壁間石刻詩元

春風一棹來東湖湖光綠上新菰蒲漁家小艇如飛鳧隔烟
踏浪相歌呼我來繫纜柳陰下舊遊回首真須臾紅欄尙作
斷霞駮芳草絕似蒼烟鋪惜無神女出遊戲凌波弄此驪龍
珠遙山淡淡排闥入高桅歷歷乘潮趨天風浩盪鶴巢動深
林清吹如笙竽尋詩未可少斗酒提壺勸客旗亭沽此間水

慰託集卷十三

十三

木自明瑟何事懷抱翻羈孤便當更乞王宰手翦水爲我重
開圖雪泥鴻爪又今日舊咏新箋次第糊

丙寅冬借頻伽霽
青游此嘗作詩畫

册以
記事

登龍湫山小憩陳山寺

暖風卷雲薄如綺一色平鋪笈藍紙肩輿扶入萬松中喧耳
濤聲聞十里峰巒突兀危上坡綫路穿雲轉迤邐忽然眼界
得大觀極目蒼茫有如此參差但見樹色青浩渺還看海波
紫遠峯近岫各招人繚白縈青秀相峙言尋舊蹟訪靈湫弄
取潺湲一池水白龍所窟幾千年時有風雷此中起山腰忽
聽響疎鐘導客殷勤有開士自憐插脚尙紅塵掃地打鐘何
日是與丁催人不少畱劣似吳牛喘不已下山風景上山跌

一抹斜陽照紅柿
無覺西窗山色
相人於冬春行
到處不覺覺
之書
事
人

西風蕭蕭響
芣屋
板連村打新穀
農家辛苦望秋成
耕一還期三載蓄
今年米爲來年計
入圃先謀蓋藏事
斷木爲杵掘地白
簸場漸使秕糠棄
爾春我相聽比憐
宵來燈火還相親
紅蓮好比白玉粲
紫米認取真珠新
全家八口差得飽
不被飢驅亦云好
時有顏公一帖來
曹交九尺愁將老
咄哉世有多牛翁
倉箱堆積陳陳紅
只望明年高價值
價高奈此飢民窮

餽雀篇

龍公忽起行初雪
三日濛濛看飄瞥
釀就苑寒白戰天
行沽

慰託集卷十三

南

路斷人踪
城茅檐凍雀雙
雙語似向人前訴
淒楚壓倒場頭
秔稻堆朝來
覓食愁無所
譬似窮途失路人
俛俛惜惜向何門
老梅枝上啾啾立
冷墮閒階咏
蘚痕開窗見之
我心慟呼童置米
琴牀側爾腹得飽
能幾何
慎勿驚猜
視顏色須臾一闕去
柴扉枯樹還來作
小依刷罷羽毛扶
氣力呼羣欲下
遄飛憐爾栖栖求
一食稻梁誤爾誠
難測世上危機無
處無織繳須防
弋人弋一笑猶慚
事偶然幾家窮巷
爨無烟出門怕聽
哀鴻警呵凍聊成
餽雀篇

題頻伽先生神廬圖

畸人作事吁可怪
境不能償付之
畫樓臺亭館與
湖山特向亭端開
境界少陵無貲可
買山曾中徒有屋
萬間從來四大

亦假合虛願未必天公慳先生結廬惟意造十有四圖布置
好安知此境世間無不在十洲卽三島披圖敢道先生貪要
與後來爲美譚林間摘葉本遊戲千載尙說枕椰菴畫堂甲
第亦何有滄桑不入丹青手神廬不壞圖不朽子子孫孫長
世守

中秋虎邱看月歌

中秋看月何處好水晶宮殿蓬萊島江南勝境說虎邱客中
愛逐遊人遊山塘七里繁華路綠水青山渺邈互鶴市人家
近枕流獅林畫閣深藏樹一輪圓月長天秋涼雲不動金波
流吳兒此時逐隊出蹋歌齊上水邊樓月明照徹秋容靜斟
酌橋邊蕩清影欄紅檻碧波光涵髮影衣香露華冷舡娘勸

慰託集卷十三

五

客開瓊筵淺斟低唱珠喉圓樓臺金碧臨無地世界琉璃別
有天獨客行吟山徑斜吹香桂子落烏紗三杯薄醉仍清醒
背手林陰看月華滿身香霧蕉衫濕烟柳如人隔隄立子夜
歌中子夜殘烏棲曲裏烏啼急歌闌曲罷歸何處剩有山塘
浸寒兔碧海青天無限情相思合向嫦娥訴嫦娥亦是獨眠
人不管相思兒女情旅夢蓬窗纔一覺又聽山寺曉鐘聲

夢中與友人約遊慧山維舟待發忽然而醒緣今秋

曾有此意因病不果形諸夢寐爰作歌以記之

予生夙具尋山癖乘興時時曠屨展秋風會擬慧山遊好事
偏遭病魔劇宵來吟魂忽飛去妙友相期辦遊具買得扁舟
繫柳根遙指九龍山盡處篷窗盡拓波光明米家畫舫如鳥

輕筆床茶竈巧位置快然如愜平生情此行先擬誇清興聯
袂聯吟上苔徑踏遍奇峯吟興豪汲取名泉詩吻潤好博遊
山一卷詩詩情畫意入新詞雖無健句追靈運聊欲狂名比
牧之篙師正擬開帆候忽聽沉沉滴蓮漏驚我遽然蝶夢醒
緣慳仍未登巖岫自咲遊情醒夢同殘燈照影正朦朧吟成
試與山靈約遲我春江一笛風

慰託集卷十三

慰託集卷十四

嘉善 黃安濤 編輯

汪繼熊三

今體詩

星河舟次

浩蕩星河水揚帆晝裏行蘆芽三寸綠天氣五分晴出網銀
魚細浴波水鳥輕客懷何以遣信口小詩成

新晴晚眺

綠樹圍村暗柴門正晚涼野雲含剌雨飛鳥背斜陽溪影三
分白人歸一笠黃支筇延佇久曠色漸蒼茫

過東瓜堰

慰託集卷十四

十里峭帆去扁舟五兩輕漁歌菱葉渡人語荳花棚酒旆搖
溪影竹雞啼午晴一尊微醉後跋脚動吟情

題聽秋圖

梧竹響蕭蕭中庭景沈寥照人孤月冷依影一燈搖清籟添
詩苦明河耿夜遙倚欄風露重聽處定魂銷

咏日照織和丹叔

林下尋幽去無須腰扇張遮頭同小笠欹面障斜陽片影隨
人走如雲覆我涼記穿雙不借衝雨過橫塘

棲心寺

湖上招提靜松門枕水開諸天昏畫壁馴鳥下生臺偶作翻
經坐還思結夏來忽聞鐘磬動林外夕陽催

十杉亭

古木蔭扶疏何人穩結廬清游來載酒結願此藏書樹老濃
陰合窗深夕照虛尋詩成小坐看竹意何如

夜泛

獨客親孤燭食程作夜行暗蛩喧露冷新月落湖明穩載遊
山夢偏深訪舊情權歌聞斷續唱罷短長更

理安寺

迤邐尋幽去山深寺更深孤峯留夕照一榻落松陰供佛猿
收果看山僧獨吟

寒石上人善詩

何須問禪悅小坐豁塵襟

秋日對雨戲效樂天體四首

十畝村居僻柴門傍水涯人歸黃笠小風裊綠陰斜涼意翻

慰託集卷十四

二

菰葉清香試稻花此時如對雨最好是田家

萬頃烟波闊跳珠水面圓秋生黃葉渡涼逼白鷗天酒旆搖
村濕鱸魚出網鮮此時如對雨最好是漁船

竹樹濃陰合雲窗四面虛悄悄簾影靜裊裊篆烟踈桐葉聲
喧蔓芭蕉綠映書此時如對雨最好是村居

六曲屏山靜簾旌一半低涼生羅袖側花安玉樓西鸚鵡依
人語鴛鴦傍水棲此時如對雨最好是深閨

丹叔見示冬日襍詩依韻奉和四首

黃葉堆門靜幽居思落然雲容催短日風景逼殘年香篆焚
松子銅餅供水仙冬烘頭腦甚得句聳吟肩

却掃成何事蕭然一草堂天寒風力橫葉落樹身長酒薄人

難醉才疎詩就荒故人能諒我不諱少年狂

剝啄無人過蕭閑寄此生寒雲纔釀雪淡日又開晴茆屋牽蘿補疎櫺換紙明詩成誰唱和譬弟與梅兄

彈指年華逝孤懷鬱不開幽憂埋有地詩債避無臺魚雁羨千里頻翁在清江霽青在京久不得信欄杆繞百回思遲君莫笑本乏八叉才

丹叔復次前韻見和再寄四首

擁爐兀兀坐隨分意悠然景催殘臘閒身媿少年人誰天下士狂自飲中仙何日成真隱洪崖笑拍肩
流年真逝水容易去堂堂風意驅雲急宵情入夢長二毛催我老三白破年荒且就新寒景啣杯一放狂

慰託集卷十四

三

尋幽閒步屨吹面北風生水落溪痕淺雲寒天色晴黃梅迎臘放紅葉出村明嘹唳聲何處雲程雁弟兄
重疊新詩贈更番尺素開高歌聽郢曲哀些寄泉臺來詩悼及青菴
只隔城三里相思腸九回欲招君就飲擊盃鬥詩才

亭角

亭角尋幽去無人散策同檐播紅杏雨箏響綠楊風水暖溪聲急春深鳥語工詩情容領畧只在夕陽中

法華寺卽白雀寺

十里松陰碧濤聲涼到門山深知寺靜佛古覺僧尊鳥散開花落風輕貝葉翻坡翁畱石刻遺跡至今存

武康

葺爾武康邑人家住望衡溪清浮斷竹溪淺不能舟行以山竹排浮水爲渡
矮作巖城邑中無城墻遠岸柔桑密深林戴勝鳴未妨閒步履聊

爾趁新晴

 踏月

踏月南塘路溪風動袂涼燈花搖水閣人影過魚梁夜靜蟲聲急秋來竹露香行歌隨處好何必定滄浪

花潭消夏雜詩七首

灑掃花潭屋居然半畝宮窗開三面水人坐一簾風室靜生虛白花疏駐小紅偷然成市隱結夏有誰同

長日小年似柴扉掩薜蘿攤書翻引睡得句偶高歌酒辣名齊物几深坐養和生涯隨分好不必媿蹉跎

慰託集卷十四

四

一桁疏簾裡蕭閒寄病身臥遊非夢幻醉語出天真問字憐嬌女圍棋約故人不知門外路十丈有紅塵

笑爾成踈嬾身閒病亦宜偶因午夢熟更覺夕陽遲靜戀杯中物閒吟枕上詩養生我有主那問鬢邊絲

尋幽何處好步履小庭寬樹愛傾欹立籬隨曲折盤雲根山一朵墻脚竹三竿似水濃陰暗能令六月寒

忽地飄疏雨遙天尚薄雷雲隨秋葉落涼趁酒人來舊畫還思曝新詩又被催江湖憶鷗鷺清夢苦低徊

滅燭檐陰坐橫斜亘夜河簾波涼似水雲影淡如羅竹密鷺鷥秋早潭空得月多追涼思放艇去聽採蓮歌

青浦

四月吳淞好青溪泛小艤奇峯排九疊曲水接三江擘影浮
烟蝶花痕點石缸青龍艦何處惟聽響鷺瀧

輓袁湘湄徵君四首

前輩今餘幾詩盟早樹壇科名徵士重孝友古人難世有不
秋業天教一士寒漂搖耒陽道杜老亦同歎

少小聞名久江湖識面遲一龍頭腹尾

謂鎮門頰
仰兩先生

三絕畫書

詩壯志隨年減高情入世疑惟應朋舊意沉痛有哀詞

餘事文章外閒情仙佛耽松梢宏景閣海上樂天龕遽化凌

雲鶴寧同抱繭蠶應知讀書處秋水碧於藍

先生有松風仙
館秋水池堂圖

今春勞過訪杯酒話相於宛宛畱詩句匆匆作草書兩時存
沒隔一夢笑談餘終擬攜磨鏡生匆送素車

慰託集卷十四

五

練蕩早炊

雙槳中流急微波閃日光蘆花迷釣艇鷗夢穩菰鄉澤國魚
蝦賤秋風杭稻香九峰環遠翠招我作重陽

霜華

夜氣一何悄空庭露影乾暗催詩鬢老飛入角聲寒蕭寺疎
鐘斷遙天冷月殘朝來問楓樹幾許已流丹

訪馬思菴

國偉

少白

用俊

鄂鞞聯吟處卽次見贈原

韻奉酬

爲訪聯吟處橫湖撥棹尋棂花圍老屋帶草長文心同氣見
風誼交情如水深新詩憐絕調欲和未成音

遊一榭園

竹石紆迴處苔深一徑偏
靠山開畫閣疏箔引流泉
霜樹成羅綺秋禽當管弦
行吟叢桂下金粟滿詩肩

過靜月軒

愛此僧廬靜蒲團話寂寥
秋雲皆水態老樹見風標
閒證茶三昧香分露一瓢

所製各種花露極佳

談禪深有味畧遣旅愁消

將還魏塘畱別吳門諸同好二首

日落天涯莫秋風老白蘋
未請爲客况終戀在家貧
鄉思催征雁離情惜酒人
盟瀕憐浩蕩欲別意偏親

屈指松關住匆匆一月過
高堂遠定省羈客總蹉跎
莼鱸秋風老江湖落木多
明當挂帆去飛夢繞烟波

集馴鹿莊分得菱缸

慰託集卷十四

六

采采秋江上沿流別出奇
未須剗木利翻訝望餅宜
孟仰占諸震中虛德在離平
咨三板浸穩似一帆移製
合禹航著出杭名仍陶氏爲渡甕浮楚水鼓缶下澗池十里銀塘濶三篙

碧浪滴花光明照鏡繩影界分碁去趁新晴早歸乘夕照遲
吳牛浮鼻處越女折腰時兩兩肩相比深深器不歆祇堪跌
白足詎待繫青絲絕憶鴛鴦水會同鷗鷺期清游逢桂序俊
味敵莼思瞥見雙鬟出遙來一港支殷勤論斗賣呼喚扣舷
知聽曲增惆悵凌波望渺瀰烟昏范蠡浦草沒水仙祠五石
尊何用三升酒莫辭浮生類萍梗危不到天涯

梅雨二十韻

五月黃梅雨兼旬未肯休
漏痕懸畫壁雲氣捲書樓
新漲搖

低岍餘波入細溝，屐聲沾洒路，蓑影釣魚舟。容易黃昏近，生憎白醜雷。乘時陰已伏，失位火疑流。王子占何驗，丙丁帖柱求。濃陰涼似水，孤館冷如秋。竹粉勻來膩，桐花墮處稠。綠深三徑草，紅綻一枝榴。語苦哺雛燕，聲喧逐婦鳩。穿林無野步，上砌有天牛。簾影情悄悄，爐香冉冉幽。素琴弦易慢，古硯墨長浮。中酒誰持勸，尋詩自唱酬。跡疏東郭外，坐記北山頭。丁秋借齊青閣齋北山湖樓聽雨各有詩紀事芝舟爲子作湖樓坐雨圖繞柱聊閒步，投牀且臥遊。花潭無剩啄，白舫好夷猶。欲作江湖夢，添蘆落愁吟。成誰與聽三十六盟鷗。

觀虎邱塔燈十韻

古塔立峇峴，明燈燦碧霄。慧花三界合，火樹七層超。影射湖

慰託集卷十四

七

山峭光隨星斗搖，化城真不夜。紺宇此良宵，落月翻如避。明霞漸欲消，闌迴人語度。檐迴佛香飄，錯落紅紗盞。高低鋒蠟燭，吳姬爭綽約。越客共招邀，坐向千人石。催成獨酌謠，風鈴如引興，不問漏迢迢。

楓溪舟中遇雨

已看歷歷樹歸鴉，還著疏疏雨濺花。對岍船回知港汊，隔溪烟暗失人家。漁貧小立青蓑濕，客倚微酣白袷斜。暫出尙愁無伴侶，一杯獨自酌流霞。

登藏經閣

樹杪危欄曲曲凭，遙空相對對塔三層蒲。團靜處，凝香篆，貝葉叢中。炷佛燈，古壁畫龍雲。欲活昏檐棲鶴，月初升。諸天護衛

森巖甚欲訪殘經問老僧

秋夜

簾幕沉沉小院清
桐陰透月最分明
亂蛩聲裏孤燈暗
落葉風前一雁鳴
獨坐蕭條鬢影倚
欄幽寂動吟情
連宵祇覺遲眠好
生怕更長夢不成

七夕後一日過訪郭頌仰先生

磨

留飲靈芬館率成

誌謝

問字敲門第一回
欣然卽席共銜杯
屋如釣艇臨溪住
簾似萍花背日開
欲飲未能憐薄病

時患胃痛

將詩爲贄媿踈才
清言坐久渾忘倦
不覺林梢月上來

秋臆禱詩

慰託集卷十四

八

西風吹處葉先黃
小院無人覺書長
病骨支離先怯冷
鬢痕蕭瑟欲生涼
閒鋤庭草扶叢菊
偶曝殘書趁夕陽
自笑近來踈懶甚
垂簾終日倒繩床

無風簾幙靜
悄悄小飲無端倦
思侵脩竹影
踈知月上拒霜花
放覺秋深人能省事多
閒日詩或曹名慰
苦心寂寞幽窗誰是伴
牆根聽盡亂蛩吟

秋夜歸舟

獨客蓬牕命酒先
蛩聲斷續送歸船
菰蒲拂榜過橋緩
菱葉滿湖划槳偏
半路月生如得友
中宵露重欲裝緜
遙看燈影幢幢處
近郭人家尚未眠

郭丹叔先生

鳳

枉過蕉雨軒卽次元韻酬之

如君一見願低頭鍊句分明繞指柔隔院香來開早桂催詩
雨至作新秋蕪詞還藉雌黃定快語真堪大白浮天遣寓公
來此地莫辭頻過小勾留

過餅山訪許瀟客道士

湘

閒叩琳宮作近遊早知詩筆擅風流人如雲鶴生來瘦語帶
烟霞韻自幽沉水香消三徑莫海棠花放一庭秋願交伯雨
今猶便咫尺城南占小邱

九月廿一日黃退菴外舅招陪武原楊樵谷秀才

琛

飲於馴鹿莊

東莊早識路清幽臨水垂楊待繫舟郊外結廬多畫意壁間
題句盡名流酒當佳日寧辭醉菊過重陽未減秋一壑一邱

慰託集卷十四

九

真素願終年城市笑閒鷗

十二月一日作

鵬月天公暖似春小齋枯坐寄閒身黃梅數點亦消寂淡日
半窗如飲醇二頃有收心已足五車未竟腹嫌貧床頭喜得
新篔熟整頓陶家漉酒巾

退齋外舅招同頻伽丹叔朱可石

元秀

諸君及霽青

安禱

子未

若濟

雪中集友漁齋以晴雪滿竹隔溪魚

舟分韻得舟字

座中賓客盡枚鄒高會追陪共唱酬此日杯盤招近局他年
笠屐畫名流雲如落墨寒先凍雪亦催詩晚未休不似剡溪
成蹻返居然李郭得同舟

水仙花

脈脈情悵獨自芳伊人宛在水中央月明牕網空雷影風靜
簾櫳畧辨香霧穀原非塵世物晶簪可是上仙粧丰姿絕代
難消受合供盧家白玉堂

錄沈瘦客先生

大成

靜觀齋詩一册卽題其後

才人凋喪僅中年八詠樓中剩此編偏到窮時多慷慨每於
友誼見纏綿人間科第雖由命先生寒窗礪詩有功名何物
偏由命科第人間別有才之
身後詩名已必傳恨我當年遲識面沈吟開卷小牕前

雨後郊行

春陰釀雨太沉沉開霽何妨任意行相宅乍看新燕到御風
眞羨紙鳶輕人歸野渡春泥滑雲過前邨夕照明小立籬邊

慰託集卷十四

十

閒縱目翩翩已有酒旗迎

郭外泛舟

十里晴湖細穀生東風吹送酒船輕桃花一水浮雛鴨楊柳
全身坐曉鶯傍岸人家多畫意呼牛牧笛亦春聲眼前好景
難拋却始羨漁郎不入城

金閭道中

一路鶯聲劇可憐金閭亭畔柳如烟紅闌碧水三層閣白舫
青檣二月天芳草似添游子恨名花却讓美人妍臨風暗惜
春光好小琢新詞試扣舷

靈巖山館次錢竹汀宮詹壁間石刻詩元韻

列岫迴環似畫屏行來曲折間林亭詩刊石壁臨風讀泉和

松濤倚樹聽請客竹當三徑綠入簾山可一房青十年夢想
剛初到落照徘徊繫畫船

登天平山

直上丹梯不計層相扶還倩一枝藤穿雲細路摩肩入捫葛
危崖作氣登幾點暮烟生下界諸天花雨定枯僧斜陽欲墜

風鈴急石壁畱題悔未曾

梅花菴訪元吳仲圭墓

策策芒屨踏淺沙蕭蕭修竹數竿斜斷碑猶作禪和字僻巷
會傳處士家好事有人偷石刻衝寒無客補梅花纍纍羊虎
都犁盡不及孤墳枕水涯

秋日卽事

慰託集卷十四

七

水壺羽扇久相忘消遣秋懷繞曲廊雙燕朝來辭故壘一蟬
風裏抱絲楊藥籠小摘巡花徑詞譜閒繙倚笛牀又聽商聲
籬角起可憐歲月去堂堂

小院

秋來小院靜悄悄閒看爐烟透水沉深下疏簾尋蝶夢懶鋤
荒草聽蛩吟名山人別思遊權舊雨能來愜素心繞砌海棠
花正放秋風影裏最難禁

田家小飲卽題其壁

竹籬茆舍境偏清又值茅柴新釀成籬豆垂花秋尚暖江楓
映日晚尤明笛聲遙聽知歸犢霜意初酣愛擊橙醉裏渾忘
鄉路遠漫隨童子繞村行

九月五日潘壽生甫丹叔子未小集聽香館以家在

桃花潭水間分韻得家字

倚裳乘興過吾家却喜門停長者車攷古讓君心獨得壽生

三國志聯吟共容手頻又往來不厭揮松塵雞黍還期就近著

花秋氣蕭森須痛飲任他林外報昏鴉

詠興九日東楹登高

畧俯塵寰意已豪無邊落葉正蕭騷相輪風急危欄動平野

天低一雁高插菊今朝誰是伴懷人幾度首頻搔客中佳節

憐孤寂聊倩山僧共濁醪

小春

年華容易轉雙輪又是風光入小春一線殘陽閃鴉背半林

慰託集卷十四

七

紅葉醉楓人詩尋亭角吟偏苦酒熟床頭漉已頻靜檢雙扉

成却埽香爐茗椀伴閒身

至夜

寒聳山肩詩思清紙牕竹屋數長更鐙花似笑孤吟客梅影

相憐太瘦生白日催人驚歲晚西風動地覺天晴明朝散策

前溪路已有黃梅隔水迎

對酒偶成

甕頭春美劇相思消遣餘寒且一卮能得天機緣率性漸

世故爲吟詩每思泛宅乘閒日欲構書巢及壯時真箇醉鄉

容小住不愁潘岳鬢生絲

社前一日訪霽青馴鹿莊

泥乾東陌喜新晴，急訪詩人出郭行。
喚渡不來閒弄水，到門未叩且聽鶯。
屋多野趣如名畫，人有山心少俗情。
笑我相思無別事，問君詩又幾篇成。

野外

上已纔過幾日強，風光野外足相羊。
魚鱗浪細平還皺，蠶豆花開暖更香。
風裏青旗人賞酒，陌頭紅袖女求桑。
眼弄何物非詩料，那得嬉春不放狂。

弄珠樓

樓閣凌空曲水紆，劇隣風景占全湖。
翦江帆影紛無數，入座山痕淡欲無。
舊日倚闌人易老，今宵得月客非孤。
故交只隔巖城在，我欲臨風試一呼。

時間楊樵谷寓居城中

山行卽事

一塊竹轎上崔巍，曲折前行三里纔。
山雨共泉爭路出，松風隔嶺送濤來。
竹雞滑滑微陰作，古寺昏昏薄日催。
却恨輿夫行太疾，有奇峯處想徘徊。

龍湫山李潛夫先生祠堂題壁

先生原諱天植後改確崇禎癸酉舉人嘉

慶七年阮芸臺中丞建祠鄉人私諡介節

粉垣碧瓦影堂新，蕭瑟門墻掩暮春。
文苑當年收史筆，豐碑異代表詩人。
梅留舊日孤標格，菊想前朝隱逸身。
比似孤山林處士，寒泉聊爲薦香蘋。

先生有梅花菊

銷夏雜詩

畏炎高架荻簾遮，近市欣無鴉鵲譁。
閒倚隱囊因覓句，偶拖

欲隨步騭種園瓜

陰如水滅炎光盡日攤書但老莊風過愛看雲影亂雨餘
先喜菊苗長桐陰好待三秋月水閣能生六月涼猶幸門前
無剝啄北牕高枕夢羲皇

情惜小院靜無人枕簟涼生睡思清因病漸能知藥性愛閒
兼嬾對棋枰慣看馴鶴忘機立靜聽風蟬得意鳴寄語詩人
堅舊約秋涼好作看山行

余與子未會約西湖之游

石門道中

嘔啞柔櫓撥輕萍跛脚蓬牕夢乍醒雲影淡於秋水白桑陰
濃似遠山青絲楊樹樹遮村屋隻候高高見驛亭消遣客愁

慰託集卷十四

古

剛小飲漁舟唱晚與儂聽

九月一日作

且喜蕭蕭遠市塵酒瓢詩卷伴閒身秋深蟋蟀作何語日淡
芙蓉如媚人好友久踈思問訊名山欲訪恐因循劇憐節物
重陽近滿眼黃花漸放新

秋夜同人集墨檀樂室

翰墨場中意氣親盃簪團坐盡嘉賓秋無可感何妨夜客但
能狂已過人刻燭漫誇詩句好飛觴急趁月華新居然小
猶文字咫尺休辭過往頻

冬日閒居

黃葉西風寒色添牽蘿補屋菽爲簾坐譚客少呼紅友引睡

書拋夢黑甜野雀啄糧喧竹徑夕陽倒影射牙籤門前老樹
蕭疎甚只少山痕露一尖

足疾戲成

無端小疾蹒跚甚跛脚寒窗近一旬欹枕聊爲臥游客擁
暫作坐禪人思尋蝨簡難忘起欲問檐梅未暇巡太息三公
定何物香爐茗盃伴吟身

早春

中酒連朝睡起遲玉梅零落怯風吹春光流轉鶯先覺花信
更番蝶未知听柳青回新雨後水仙影澹暮燈時吟情自愧
成疏嬾記取韶華第一詩

春日湖舫小集

慰託集卷十四

五

檢將短棹坐空濛恰好清遊酒半中溪水暗添紅杏雨布帆
緩趁綠楊風閒吟待和聽鶯曲弱臂思彎射鴨弓行向畫橋
西畔泊不妨上坂試花驄

吳門之游舟中試筆

才收小雨作新晴好趁微陽促棹頻鴉梢船輕還泛泛鴨頭
水暖自繚繚湖山有意供詩料櫻笋無端又晚春想得金閨
亭畔柳待人連日翠眉鬢

蘆墟訪壽生於青棠館

薄暮扁舟繫柳根落花時節訪詩人敲門看竹我來晚仰屋
著書君不貧但使醇醪能醉客任教密雨阻嬉春分瀨一水
盈盈綠却羨吳剛是近隣

謂獨游

過趙園

絕愛園亭少市塵紅闌干外草如茵風廊曲折空三面水榭
鬱環絕四鄰楊柳眠時初著雨牡丹開後不多春么絃脆管
繁華地沉醉東風不計巡

酬霽青寄懷吳門之作卽次元韻

無分長安借馬騎金閨亭畔作春爐登山已覺鶯花晚作客
偏憐櫻筍時酒醒獨聽篷背雨別來小積卷中詩無緣得遂
盟漚約自向船廕理釣絲時訪竹土竹友皆不值

村居題壁

園花落盡雨絲絲正是江南梅熟時縱酒澆愁還怯病讀書
求信轉生疑竹中結屋渾如畫亭角尋花忽有詩擬喚漁舟

慰託集卷十四

六

湖上去愛閒只有白鷗知

立秋日同頻伽先生壽生丹叔吳巖游集還盦外
鼻友漁齋

醉墨淋漓記往時盍簪今日又啣卮迎秋小雨飛桐葉入畫
涼蟬抱柳絲有暇便成無事飲新交同和舊題詩故人將放
西湖棹雙鯉頻煩慰我思時頻伽壽生兩君將之武林

立秋後四日同人遞溪觀荷以荷花世界柳絲鄉分

韻得鄉字

輕橋蘭槩到江鄉爲訪沙堤舊草堂

地爲明相國錢塞翁別業

茵苔別開

花世界亭臺都在水中央新泥壁上爭畱句舊雨樽前儘放
狂月上林梢催返棹篷窗飽受野風涼

秋隼卽事

鷓鴣斑鼻一簾風
庭院新涼酒正中
蟲欲鳴秋先絡繹
樹將落葉始梧桐
月於午夜光尤冷
詩帶商聲句易工
閒倚闌干感榮落
白荷花謝海棠紅

擁爐卽事

彈指年華垂盡時
擁爐岑寂奈尋思
生涯半落衣仍布
歲月蹉跎鬢欲絲
快雪晴時宜中酒
老梅花放可無詩
負暄愛向茅檐坐
靜看西林落日遲

回首光陰一擲梭
年華容易夢中過
殘冬風景添惆悵
人世歡場幾醉歌
一輩論交知已少
千秋事業賺人多
天涯有客遲歸棹
落日西風喚奈何

時頻伽先生
客邗江未歸

慰託集卷十四

七

春雪卽事

靜聽珊珊撲紙乾
起開窗網最迷漫
春將柳絮梅花幻
人在瓊樓玉宇看
村酒又添三日價
老漁孤倚一篷寒
聚星故事還能續
詩老休推白戰難

竹士以夫人王梅卿

倩畫梅見贈作此奉謝

居然三絕擅風流
不信閨中有虎頭
冷艷踈香吟絮筆
美人明月問花樓

問花樓夫
人所居

客來從此無寒具
春到何妨只臥遊

尺幅漫誇容易得
費他福慧幾生修

茶禪寺

爲訪祇林曲水濱
雁行細堦鎮山門
松陰匝地生臺靜
畫壁諸天古殿尊
行脚僧來芒屨破
嬉春人去暮鐘昏
頗思玉版

參禪好老竹新叢長子孫

題金母朱夫人

澄聽秋詩集

一卷哀音寡女絲廿年柏搵奇於斯靜如井水無波起清比
梅花有雪知謬許黃裳參未座早從絳帳識佳兒

謂韻簪花

小字傳抄遍幾許深閨欲拜師

曉晴

宵雨才過便曉晴一簾紅影挂銅鉦刷翎山鳥變新調篆壁
蝸牛仍却行卯酒何妨聊薄醉丁年未可少閒情綠陰滿院
真堪愛漫興詩篇較易成

送家春田進士

本移官寧波

吾宗詞伯久知名磊落才華四座傾暫向鶴湖開講席又從

慰託集卷十四

六

雞嶺駐行旌前程佇看丁年遠壽世非誇甲第榮天遣新秋
助行色一帆風送越王城

芳谷招集旌陽道院分韻得床字

年來幾度醉山房趁得佳招又舉觴中酒未妨連日病談詩
肯諱少年狂半簾涼影分蕉葉一點檀心上海棠向晚追涼
隣竹徑綠陰陰處更移床

梵香林題壁

小溪曲折樹杈枒幽寂僧房占水涯半檻澄波搖瘦竹一
涼雨媚秋花清茶儘好畱賓住高詠何妨向佛誇準擬明年
來結夏鬢絲禪榻度年華

秋日寄懷四首

郭頰伽先生邗江

二分明月古揚州，乞食元非跨鶴遊。
牢落江湖名士賤，蕭閒天地酒人愁。
空教繡閣栽紅豆，生恐秋風換白頭。
憶否水邨鄉味好，葦絲鱸膾滿汀洲。

查梅史孝廉

揆都中

河橋記送孝廉船，兩度秋風別思牽。
米貴不辭人海住，狂來且向酒家眠。
文章報國誰推轂，臺閣論交孰比肩。
遮眼不禁西向望，莫雲影裏立江天。

陳竹士茂才江右

問訊陳蕃汗漫游，豫章風景足勾留。
却拋吳苑三分月，踏遍匡廬八月秋。
鬢影蕭疎新客况，酒痕狼藉舊風流。
紀游詩卷

慰託集卷十四

十五

添多少可許郵筒寄我不

潘壽生明經雲間

頻年小住五茸城，媿我因循少寄聲。
客館著書聊度日，歡場縱酒此狂生。
難忘王粲依人感，擅得張華博物名。
有約中秋君莫忘，分湖明月最關情。

文沙夫人爲余作聽香館第三圖成，并系以詩賦此寄謝。

多煩纖手寫吾廬，却愧吾廬畫不如。
生面獨開千古筆，簪纓還綴一行書。
扶疏竹樹重重繞，宛轉雲牕面面虛。
合子劇能

高詠在

謂靜山

他年擬卜道南居

奉酬金聽秋夫人見題拙集之作，卽次元韻。

忽枉新詩盥手開簪花字比錦文回裁紅刻翠多生慧珠月
雕雲絕代才自愧支離同散木早知標格並寒梅依稀夜閣
燈明處詩就還教雜鳳陪

讀方鐵珊詩集奉寄一律

新詩一卷示涪翁從黃霽齋中得讀却費披吟半日功臺閣山林體

兼備雪車冰柱句尤工集中春雪詩有玉龍不肯當春蟄飛入雲中一痕白之句心知年

少真名士苦為饑驅作寓公未共班荆先問訊何時相訪一

樽同

吳閨齋驗招集二十五峰園看菊非傳榮郡具管

閉門投轄倒深卮一飲何曾百罰辭銜影也疏秋士鬢盤螯

肯負菊花期亭臺曲折都依水竹石參差盡入詩好景難逢

兼勝地酒闌歸步不妨遲

贈胡瘦山金題

一卷桐花詩絕倫又從飯顆識吟身棲遲北郭桑麻長管領

東湖烟月新仰屋著書仍結客力耕奉養肯依人中州間氣

英靈集珍重珊瑚下釣綸君方韞續

訪屈韞園為章於紫華舫即席奉贈

為訪騷人一棹過訂交先示竹西歌時以邪江絕門才何必

誇王謝風貌居然竝阮何小飲每因文字重艷詞消得治治

多劇憐此夕樽沙聚茗芋何辭金叵羅

當湖舟次送頻伽先生之越州

東湖載酒共歡游君又抽帆向越州動地朔風江水潤拂雲

征雁旅人愁夕陽容易催
征棹冷色何堪犯傲裘
料有新篔
供客醉也應歲暮少淹留

慰託集卷十四

三

慰託集卷十四終

慰託集卷十五

嘉善 黃安濤 編輯

汪繼熊 四

近體詩

上巳日素邨招集綠杉野屋

故人約伴賞晴光鶯語間關勸泛觴
拈韻喜逢清晝永尋春
畧趁少年狂
槿籬竹屋工如畫
紫草黃花却自香
一歲歡場
能有幾
不辭酩酊到斜陽

海鹽張芭堂徵君 燕昌 過訪奉贈

楊柳陰中泊小舟
傾襟喜乍識
荊州鬚眉老
至偏饒
媚金石

編成尙博搜

君著有金石契一書時蒙見贈

蕭字題來虛室靜
時乞書樓
桃花館額

慰託集卷十五

根夫去萬山秋

梁山舟先生名君杖日秀勁君

知君管領烟霞勝
準擬涼時

載酒游

時翰中秋遊永安湖

夏日雜吟

桐綿飛盡日初長
枯坐山齋靜
炷香樹有
高枝能避日
水多
曲意自生涼
愛閒不分成書癖
嗜飲何須諱
酒狂在最好月明
閒步屨葛衣團扇任相羊
幽居岑寂似巖阿
兩板柴扉鎖薜蘿
一朵小山偏嫵媚
數竿
修竹也婆娑
消度歲月惟詩卷
隨分生涯是醉歌
畏暑連日
疎問訊故人消息近如何

久無門巷客來尋
垂下疎簾裊水沉
偶愛攤書還隱几
閒思
把釣且敲針
雨添荷葉三分綠
涼透芭蕉一寸心
乳燕呢喃

堪破寂不妨長日靜情情

竹影

飛白雙鈎妙入神無煩畫手爲經營夕陽雪壁蕭蕭上明月
風廊故故生映入流泉真隱約倚來翠袖不分明城南待
昌黎句伴我三三徑裡行

荷香

不論紅妝與淡妝是花是葉總芬芳水風起處詩情遠夜月
來時綺夢涼最好微陰停釣艇劇思清曉立池塘獨憐黃九
真癡絕消受芳情入睡鄉子未有荷香沁夢圖

蕉聲

抽得芳心綠漸成時聞拂拂響檐楹高荷大芋同三伏長雨

慰託集卷十五

二

關風過一生小院簾垂驚夢短虛堂病起覺秋清不須見事
彈修竹聽雪殘冬更有情

新秋卽事

朝來爽氣劇堪憐容易秋風又一年病蝶忽隨黃葉落野鳥
閒伴白鷗眠湖山有約攜雙屐時有武林之游朋舊深愁各一天時類
仰先生雷江石齋青雷西湖韻山雷於閩中卽景詩成情恂恍髻絲易老杜樊川

長春道院納涼

琳宮幽絕暑風清鬪酒敲碁此結盟夢裡浮邱來把袖靜中
子習學吹笙閒憑水檻觀魚戲偶步松庭綴鶴行頗欲聯詩
來結社不知誰可繼彌明

塘樓舟次

小鎮人家散似星中流曲折客揚舫蓬窗一水供浮白湖上
千山爲送青柳岸秋深魚市集蔗田雨過麴車停詩成自笑
真無賴略記行蹤寫驛亭

北山湖樓坐雨

坐聽蒼龍嘯隔湖起開窗網看跳珠雲如張徹新詩慙山似
米顛潑墨圖蕭瑟倍驚秋氣早江湖未合酒人孤絕憐一片
模糊意略趁斜陽漸欲無

突齋南屏訪小顛上人 禪一

已公茆屋遠塵寰爲訪幽棲叩竹關呪筍便招名士集拈花

肯放酒盃閒新詩吟就都呈佛舊衲縫餘飽看山乞破語言

文字戒正須冰雪照容顏 時以菡鄉釣師小影乞題

慰託集卷十五

三

瓊城夜泊

模糊漸見暮烟浮棹泊瓊城作小畱水影盪窗因得月蟲聲
徧野自鳴秋新詩聊記名山勝濁酒能銷獨客愁但得柁樓

安穩睡朝來旭日海天遊 將之海鹽

訪楊樵谷於寶澤居卽席奉贈

爲訪詞流到武原城居岑寂抵深村人如谷口真高士屋類

柴桑斷俗喧前輩畱畱行草蹟好詩真似落花痕

樵谷見示朱竹垞太

史和涉園主人詩墨跡有退朝仍踏落花痕之句 論文讀畫忘歸去不覺更番倒綠

梅

涉園

清遊最好趁涼時百畝幽棲位置宜月榭風廊皆入畫疏花

頑石盡宜詩壞牆珍重名人跡古木猶傳連理枝可惜匆匆
斜日下賞心未許醉深卮

老屋

一椽老屋傍溪斜市隱欣無咲語譁差有空庭堪種竹別開
小徑自栽花清談客到松爲塵題壁詩成墨似鴉倘有幽人
問居住齊眉橋北第三家

餞別閔繡巖

光遠

龔西山

建寅

唐樾巖

成棟

黃霽青

安壽

沈含齋

斐然

五孝廉於聽香館卽送北行

且莫歌驅作小雷早梅花下數觥籌盟鷗江海稱同調躍馬
幽并信壯游合有黃金酬國士豈無丹地著名流
翰林院有丹地森巖
額諸公去共霓裳詠可憶羊何舊唱酬

慰託集卷十五

四

送黃霽青內兄孝廉北上

行行安穩布帆風要視雲程霄漢通聲價定能空冀北才名
不獨擅江東詩當惜別偏難就酒到將離亦易中女弟憶兄
比我切大雷早望寄書筒

定爲名場爭捷足匆匆躍馬向京華縱然江夏無雙士尙要
瓊林第一花索米暫教畱日下應官不比各天涯芻蕘一語
臨行贈節飲還須餐飯加

白桃花

能空色相露天真始信穠華未是春小塢夕陽微見影深潭
流水澹傳神捕魚已斲紅塵路下馬剛逢素面人前度劉郎
還認否暮雲如絮月如銀

櫻桃花館題壁

疎簾垂地影參差，靜炷爐香坐六時。
琴爲春陰絃易慢，花因歲閏信偏遲。
酒人來少閒思睡，山鳥聲多妨作詩。
想見支硎山下路，衣香鬢影正春嬉。

四月八日偕頻伽獨遊兩君爲吳興之游卽次頻伽用放翁三月二十日晚酌韻

清游聊縱苦吟身，細雨冥濛又送春。

十一日立夏

雜卉無名開滿

路野航恰好受三人，傍橋村店鹿成市。
臨水人家小作鄰，最愛清和好天氣。
吳興櫻筍又時新。

南溇舟中疊前韻

好景都忘客裏身，鶯聲一路送殘春。
東西水柵成魚市，來往

慰託集卷十五

五

風帆盡旅人，酒近烏程誇下箸。
船隨白鳥結芳鄰，柁樓笑指青山近。
約略眉痕入望新。

尋逸老堂故址弔孫太初

逸老惟看故址存，風流想見昔開樽。
樽頽牆岑寂蒼苔暗，老樹荒涼落日昏。
身世至今高隱重，詩名從古布衣尊。
殘碑尙臥楓林側，斷句零星手自捫。

閩重午同人集鴛湖行館

佳節關心值閏年，不妨解纜又開筵。
酒邊客或逢漁父，座上人疑是水仙。
鳥啼澀因梅雨後，桐陰涼趁夕陽天。
獨醒枉自離憂抱，可少清酤費十千。

送張雲巢明府

青選

移任餘姚

記樹甘棠六載強，每於槃錯著循良。却金五夜標風節，滅從
諸村勘水荒。時向琴心參靜躁，閒裁牘尾判文章。去思底用
誇碑碣，試聽謳歌徧魏塘。

集青棠館同賦新秋卽事

簾紋如水漾空濛，小院涼生昨夜風。梧葉已看隨例落酒杯，
便想與人同不秋。草種千竿綠，洗手花開一徑紅。幽絕北窗
成嬾臥，新詩吟徹夢魂中。

年華容易似星馳，早聽商聲高樹枝。客去幽禽窺竹石，夢回
踈雨落陂池。悄悄琴思涼蟾見，淡淡秋情夕照知。畢竟趨炎
非世態，桃笙團扇又將離。

爲趁新涼作小游，烏舲白榜劇清幽。菱花昨漲三篙水，柳影

慰託集卷十五

六

先疑一片秋，何處忽聞翻水調。是誰相約訪沙鷗，江鄉合老
蘆中士不作登臨。宋王愁。

才歛雲容天宇清，虛堂滅燭坐深更。閒拋紈扇從螢度，小捲
湘簾貯月明。玉尺樓頭聞怨曲，銀河風裏作秋聲。睡遲爲愛
宵涼好，試看花陰衣上生。

養疴夢雨樓重九題壁

小樓鎮日閉吟身，坐榻重重疊疊茵。茵倦且須拋，典籍髮疏
先怕整冠巾。登山無分紅萸插，對菊還思白墮親。屈指杜門，
將匝月題糕爛帳負良辰。

送秋

記乍迎秋又送秋，無端霜信上人頭。江湖寒雁催行色，庭院

吟蟲訴別愁黃葉漫山枯樹賦白雲移影夕陽樓漫言悲思
淮南切難得清風爲少留

壽生移居我里詩以志喜

十載論交感雪鴻卜居今喜結隣同里名網球宜漁隱

壽生舊在

分湖漁隱圖

屋類柴桑稱寓公從此襟題編漢上不煩巖訊到山

中生綃寫出移家景眷屬神仙似葛翁

芝舟爲作移家圖

蘿屋

崢嶸歲月又殘年蘿屋棲遲得靜便荒徑雨乾黃葉路紙窗
風急老晴天吟成病裏詩俱瘦酒到歡塲醉易顛畫出荒寒
好風景一林烏柏照溪邊

內子秋卿三十初度以詩爲壽

慰託集卷十五

七

十年前御七香車婉婉相憐閨歲華幾見謝庭矜柳絮居然
紙閣著梅花小姑愛共扶牀戲嬌女學梳新髻丫說與幽居
添好語齊眉橋北住吾家

敢擬五噫共孟光幸無杵白傍門墻高堂愛婦還稱健夫瞹
無才未諱狂小病每煩調藥裹近游時累理行裝鬢兼自媿
非年少已分荷衣對布裳

鄉村

十月鄉村報賽勤農家多稼氣如雲屋山尖樣排金字田具
分形畫井文野老龍鍾閑自語村童竹馬動成羣蒟柴早已
新芻熟社結粉榆醉夕曛

西村酒舍題壁

閑行攜得杖頭錢，渴飲何分聖與賢。
映屋楓人真我伴，當爐姪女待誰憐。
鱸鄉鴛社忘憂地，橘綠橙黃買醉天。
酒百篇還問月長安，市上幾人眠。

酬霽青都門寄懷

一幅雲箋墨瀟斑，客懷想見此時閒。
長身且索金門米，妙手終歸玉笋班。
驛路寒梅思遠寄，上林紅杏待春攀。
野人無分長安道，落葉西風鎖掩關。

張叔未解元

延濟

過訪奉贈

十載相望未盍簪，高軒忽漫過花潭。
通眉長爪緣詩瘦，雄辨高談倚酒酣。
金石搜羅多漢魏，文章聲價領東南。
似聞草聖傳張旭，密字珍珠咲我貪。

叔未作書素少小字子欲破格乞之

慰託集卷十五

八

彌勒佛生日定修上人招同丹叔閒齋小集補衲亭
世味新知淡處甘，衝寒聯袂過茆庵。
道場小作維摩室，晏坐同依彌勒龕。
獻佛詩成何礙速，住山僧老任從憨。
最憐蔬笋清齋好笑我，逃禪酒尚耽。

聽香館前新葺一椽屠琴塢，太史顏曰小畫舫詩以

落之

一角墻陰結構新，小於蝸舍足容身。
傍檐樹作烏篷覆，鋪徑苔如碧浪勻。
欹枕臥遊閒聽雨，尋詩小坐當行春。
似愁世路風波惡，常泊桃花潭水濱。

同里訪朱鐵門先生

春生

漁郎指點入江村，客與斜陽共到門。
互認形容驚歲月，各言

離別暑寒温病身差喜談猶健處士從來老益尊問訊袁絲
還遠道謂湘滄先生何時相對一開樽

病中送春

杜門示疾斷交知又是春光欲去時鶯老花殘人抱病詩慵
酒嬾睡相宜悶愁脈脈難消遣好景匆匆易別離到底春歸
在何許綠陰如水雨如絲

溪行

者番疏雨出梅黃試趁新晴泛野航兩岬綠陰村路暗一溪
新漲水風涼魚菴曲折依深柳蟹榼參差界夕陽領取近遊
風景好不妨病減又傾觴

集妙香室分得栢花

慰託集卷十五

九

梢梢苗葉露涓涓不待秋分試已先容易五風兼十雨看從
北陌到南阡飯牛人起香初覺捕蟹燈殘色未蕩我有柴門
正臨水曉涼時節愛行田

湘天閣詩

并引

八月廿七日夜夢至水鄉波光遼濶樹色蒼然有

小閣屹立水上窗櫺三面簾影一波琴尊圖史之

屬頗極幽致予政坐半榻忽來一麗妹謂予曰此

閣即君之湘天閣是也妾居之以供灑掃之役以毛

指其榜曰當作詩以題之予諦視乃古隸三字正

欲識款忽聞鷄聲而醒爰成四韻以記之云

飛夢遶遶到水鄉中流小閣劇蒼茫豈無翠羽來三島合有

仙人住上方，畫筆通靈成。小築墨痕高，榜有餘香。此間光景，堪終老。多事黃鸝，從曉忙。

元日

一唱天鷄曉

霽青

色新鏡鸞相對，整冠巾探梅信。早愁殘雪舞絲

人歸話軟塵

見迴

大衍欣逢慈母壽，百年喜值歲朝春光陰

回首蹉跎甚，容易平頭三十人

吳江袁湘湄徵君

棠

遂生明府

鴻

過訪奉贈二首

越尾吳頭一水橫，鬚眉今始識先生。朝廷舊重賢良望，鄉里

爭傳孝弟名。交到老蒼慚小友，貽來珠玉見多情。

徵君有詩見贈卅

年領東東南美，却羨羣公早結盟。

耳熟元方與季方，對牀詩富竹溪堂。偶然出處分中道，難得

慰託集卷十五

十

交知聚故鄉。手版浮沉還薄領，心聲竚眇近伊涼。此間大有

循良傳，早晚仙鳧下魏塘。

酬張雲巢明府寄贈楹帖兼訂奉訪之約

時宰餘姚

忽驚彩筆照庭除，想見官清一俗無。排闥龍山曉入畫，燒燈

雁足夜讐書。人傳儒術子張子，我識歌詩于蒨于。擬向陽明

探絕學，端來載酒意何如。

用進退格

奉和退菴外舅小山園落成

閉園新結屋，三間市隱何妨號。小山畫本巧分隣，樹綠詩成

坐聽埕鈴閉涼生。北牖宜高臥，花放東籬穩。閉關安樂行窩

元福地，行吟消得鬢絲斑。

過圓津禪院贈靜遠上人

覺銘

偶向圓津一問津名藍傍市斷紅塵宗風七葉傳文字壽業
三車結淨因畫本儘多名士蹟詩篇自寫墨花春披圖示我
清脩福識得廬山面目真時以金山受具圖見示

登清華閣

高閣登臨未覺孤曲欄小倚足清娛一溪烟水供漁釣九疊
雲屏入畫圖梵唄植歌時斷續夕陽帆影兩模糊似聞蓮社
風流甚肯爲淵明置酒無

珠溪訪邵芷衫

堂

不值蒙寄見懷之作卽次元韻奉

酬

喜到吳松六六鱗手披麗句見情親自憐題鳳虛相識不信
盟鷗有夙因藝苑流傳多勝事壻鄉寥落且依人秋風莫負

慰託集卷十五

士

菡鱸約樽酒論文敢道貧

方鐵山孝廉過訪卽送入都

舊雨能來快唱酬一樽相對話離愁別縈京洛三年夢盟記
湖山八月秋丁卯秋與鐵珊於西湖訂交名父子皆推國士擁書史已抵

封侯看君接翅駕鸞侶莫忘江湖有白鷗

六月二日退菴外舅招集小山園

爲趁佳招又舉杯園扉初啟踏蒼苔兼旬有暇遲聽雨一飲
無名借送梅才子自宜如意舞狂生拚倒接離回淹留試續
淮南賦誰識全家道氣來

玉簪花

宵露初凝未隕霜低枝閒倚北窗涼半簾秋水清無影一剪

銅瓶淡有香豈是天公能刻玉只應青女爲催妝丰姿似此
真幽絕不數金釵十二行

寄屠琴塢明府儀徵

聞道仙鳧出建章真州湖水卽甘棠親民豈厭承明直好學

何妨籊頌忙試院量才煩玉尺時校士小亭就竹擁銀墻閣

中新構就竹亭二分明月秋來好擬訪官齋醉一觴

松江道中

扁舟一棹五茸城跌坐篷窗看晚晴沽酒人穿沙市去連檣

船趁晚潮行秋風正美銀鱸味夜月來聽元鶴鳴第四橋邊

客小泊醉吟詩句當題名

潭影閣夜飲卽事

慰託集卷十五

小閣清幽迥絕塵曲闌干外碧粼粼水邀明月成雙影人坐

秋燈了一身有酒不離文字飲無詩恐負墨花香座客有權善書者

場沉醉尋常事生怕山靈解笑人

夜坐書懷

紙窗竹影映層層一縷爐烟夜氣澄多病易催雙鬢雪讀書

悔負十年燈落殘梧葉秋將老冷逼霜花月有稜瘦聳詩肩

成久坐爲聽征雁曲闌凭

初冬過放下庵小集

行隨落葉到僧房饌設伊蒲蔬筍香醉後思粳米汁佛吟成

欲贈水仙王庵有幽泉風篁涼護梅檀靜古栢高撐歲月長試

聽瑤琴彈古調慚予手棘但清狂時聽湖南僧接賢上人操琴

 刪樹

踈枝老幹太縱橫意匠經營稱物情落日驟添山午午西風
閒聽谷丁丁不妨側帽行吟便深恐探巢宿鳥驚佇看園林
成畫意綠陰容易向春榮

 醜菜

肯蓄須謀足禦冬園官送後喜蔥龍一繩先趁晴陽老百甕
何愁食籍空冷淡生涯煩寵妾壘鹽風味稱詩翁庾郎已作
長年計隨分清饑酒一中

送霽青太史內兄散館入都二首

從告歸來近一年又教馬首向幽燕功名稱意離懷惡羶鳥
關心別思牽風雨流連猶有畫樓坐兩子繪圖記事雲龍上

慰託集卷十五

三

下奈無緣三千客路重行熟不怕嚴寒欲雪天

簪筆螭坳未許遲征袍一任朔風吹鷄聲蒞店霜天景岱色
河聲驛路詩莫但文章依舊樣要將諫議重清時野人何用
諳朝事只望平安報我知

早雪

黃葉齊飛昨夜風天花開遍玉玲瓏正宜驢背尋詩思已有
鴉娘呪歲豐村店新寒增酒價江天粉本畫漁篷龍公試手
初行却催得梅花一萼紅

 紅梅

別檀穠華領衆芳黎雲無夢立昏黃妝成薄醉春如綺鍊就
丹砂骨亦香瑪瑙坡前愁倚月胭脂山外冷無霜劇憐江路

迷離處誤引漁郎打槳忙

官梅

疊瓣重英品自珍酸寒洗盡見風神
西山底事來東閣隱士居然作貴人

楊誠齋詩有庭中梅花如貴人之句

相賞合攜金谷酒早開先占

玉堂春一枝欲寄增惆悵遙憶京華十丈塵

謂霽青

野梅

隨意山村與水鄉數株離立不成行
小橋曲澗橫斜影野郭荒墳黯澹香
收笛吹春偏宛轉詩人踏雪費商量
看他踈嬾無拘束到地一枝如許長

老梅

清癯骨相兀孤撐偃蹇偏多太古情
雪壓霜欺春不老香寒

慰託集卷十五

十四

蕊冷玉同清半枯處有疏花著臥地時還蒼蘚生
絕似風流前輩在山礬低首合稱兄

春陰坐夢雨樓得詩二首

春來日日帶春陰人坐東風擁鼻吟
藥裹花枝愁得得簾紋香篆靜悄悄倦餘小作尋春夢
閒裏偏宜病酒心太息韶華很藉過少年那不鬢絲侵

小樓鎮日斷知聞倚遍欄杆望夕曛
薄霧凝爲花外雨輕風閣住柳梢雲
絕無啼鳥春疑淺畧有閒愁酒易醺
如此風情寥落甚腰圍容易瘦三分

五風風雨雨山山風聲來

頻伽壽生丹叔子未諸君俱見和春陰之作再用前韻奉答

日見癡雲作薄陰泥人長自費沉吟豈知中酒狂徐邈偏要
聯詩拉鄭愔每爲琳瑯搓倦眼恰如花柳盪春心惜騰一晌
樓頭醉又報簾櫳夜色侵

啼鶯語燕絕無聞黯黯沉沉滯薄暎杜拾遺方懷舊雨陶彭
澤正賦停雲偶來勝地花何晚但得芳辰酒要醺相約嬉遊
同蠟屐放晴時候定春分

庚午冬至日貧谷弟畫素梅一枝仿劉侗故事日染

燕支一瓣作九九銷寒圖辛未二月十八日圖成而

九亦盡矣爰題其後

寫得橫枝墨未乾不妨計日度年殘重重待得好春到九九
銷將隔歲寒醉眼忽驚成碧易詩人終覺比紅難今朝染就

慰託集卷十五

五

無餘白一笑真宜作杏看

見楊允孚澹
京雜咏詩

客有話及潤卿事感賦

盼斷西湖青鳥音忽傳好語轉傷神掃眉才子難爲壻搗藥
神仙世有人一曲韋娘空寄恨三生杜牧悔尋春於今記取
橫塘夜只羨梨雲夢裡身

退菴外舅偕壽生丹叔東莊探梅互相酬唱各得詩

六首越日持以見示和韻

香雪茫茫似海涵此間踰不讓江南花從下馬陵前種詩向

驪龍頷下探輿到攜筇行得得坐來班草徑三三吟成莫便

高聲讀仙子羅浮正夢酣

幾生修到此間梅消受三人好向來合有微風吹側帽定教

疎影照深杯潘郎愛靜成清癖郭子虬竒有別才更著滄翁
詩筆健西江一派又重開

猶憶開筵拓絳紗曾參未坐酌流霞雖無妙伎工吹葉恰有
才人善別花吳市吹簫長作客

謂頻伽先生

金門待漏遠離家

謂齊

青故園相望如回首應羨羣公韻事誇

丹叔四十初度以詩爲壽

羨君湖海有襟期四十男兒鬢未絲士賤何嘗磨傲骨家貧
那得富新詩居然高隱同梅福依舊疎狂似牧之早歲功名
已唾棄名山事業不嫌遲

崑園畱飲樹蕙山房

羨君高臥柘湖濱招我山房共饒春石首魚肥勞去乙烏程

慰託集卷十五

六

酒美喜含辛落花飛上雕闌舞名句爭題粉壁新况有苔溪
漁隱在

謂瘦山

閒來叢話不嫌頻

春莫雜感四首和頻伽先生

喜逢春閨又春殘容易飛花點碧欄古壁畫圖開蚊虻中庭
苔蘚出瑯玕欲尋昔夢渾無藉畧說新愁亦有端爛悵不須
橫玉笛枝頭梅子已微酸

燒殘銀葉書迢迢醉酌蒲萄破寂寥花盡閉庭涼似水風來
高樹響如潮幾番芳訊催何急一角斜陽望已遙何待登臨
生百感端居事事足魂銷

小雨時能濕暗塵流鶯也解怨殘春桃花未必皆前度柳絮
誰知有後身綠草忘憂憂底事青山如咲咲何人漫言顛顛

因秋老腸斷東風鬢似銀
一桁疎簾裊篆烟春餘夏首劇堪憐尋芳已斷三生夢病酒
惟貪一晌眠狼藉花飛紅雨路空濛水漲白鷗天詩成斷送
春歸去不必樊川始黯然

梅雨二首

如墨癡雲撥不開琅琅日送雨聲來涼生茆屋垂銀竹濕遍
閒庭繡綠苔隱几坐消亭午夢熏衣閒劃水沉灰天公豈爲
催詩急有例江南正熟梅

一庭綠樹釀濃陰風颭簾櫳小院深香篆銷餘人寂寂市聲
洗盡畫情悄悄醉來大有江湖感閒去端憐老大心已覺黃昏
容易近日長休遣睡魔侵

慰託集卷十五

七

小暑日新晴卽事

出梅雨歇水平池霽色初開綠樹枝小拓軒窗閒曝畫新糊
團扇待題詩松風過處桃笙滑葦葉陰深夕照遲早有元蟬
識時節一聲搖曳嫩涼時

旅舍秋曉

簾紋如水帳如烟悄悄涼生欲曙天一杵曉鐘驚旅夢半窗
殘月伴孤眠壯心自媿聞雞舞瘦骨誰爲病馬憐欹枕無悽
悶不得悲秋客裏又今年

酬子未過聽香館見贈之作次元韻

小病支離一月纔愁懷聊爾仗君開塵談娓娓清如水人影
珊珊瘦似梅釀雪天低籠夕照做寒風峭動飛埃床頭已熟

三升酒正好消寒結社來

奉和退菴外舅消寒雜咏同韻四首

一度消寒一擘箋風情示我好詩篇冬心枯寂堪依佛瘦骨支離合學仙磬口梅將迎臘放甕頭酒似占春先小山園與聽香館各自行吟小放顛

窗櫳深護怕寒天暖倩圍爐得靜便半榻攤書時跂腳一叉挑畫舊敬肩硯池冰就斜陽曬石鼎茶教活火煎更有殘冬新韻事畧修簫譜仿金荃

一笑人難結習除蹉跎已過卅年餘學書學劍成何日題壁題襟嘆索居世有奇才還冷落自慚生計更麋疏山林別有閒經濟添種梅花手自鋤

慰託集卷十五

六

容易斜陽落莫檐紙窗坐聽朔風嚴水仙影倩燈晷書栢子香勞小史添多病漸能知藥錄得閒聊檢芸籤詩成銅印摩挲劇鈐尾紅泥凍不黏

冬日飲酒寄懷壽生丹叔二首

短短年華寂寂廬一樽隨分歛幽居閒身無藉偏工病餘課關心尚讀書狂態誰容甘冷淡詩名未懺笑迂疏醉來獨抱懷知感聯袂遲君一過予

起向梅花醉一卮懷人情緒有花知埋頭定草閒居賦

謂壽生

枵腹狂吟乞米詩

丹叔近以乞米詩見示

事業流傳方策壽才華磊落

各稱奇一燈風雪勞飛夢還望鸞箋寄勿遲

寄子未兼訊東莊梅花仍用前韻二首

千尺華潭一草廬消寒大好閉門居
陶吟陶令停雲句補讀
秦時種樹書病骨生慙梅樣瘦
殘年未肯酒人疏裁箋爲問
黃公子風雪懷人可記予

頗憶東莊醉酒卮玉梅消息近
應知幾回見月頻飛夢從古
催花例要詩側帽何時同索笑
支筇約我共搜奇吟成莫訝
清狂甚長恐嬉春作遠遲

生日寫懷三用前韻二首

踪跡長隣守敝廬十年詩草半閒居
甘拋身世無窮事好讀
人間善本書如蜜蠶鹽聊嗚噓
成絲鬢漸蕭疏頭顱未必
儒冠誤淪落檀林合讓予

易去流年亦漏卮匆匆只有夕陽知
半牀落葉蘭成賦一卷

慰託集卷十五

五

寒蟲東野詩薄酒澆愁難酌
可老梅入畫要離奇
榜材敢望
中郎賞但得爲琴不恨遲

花朝退盒外舅招集馴鹿莊探梅同韻三首

朝來折簡到華潭爲報溪梅開
正耐香雪一林如海樣
春愁
萬斛在江南暖遊蜂已先人到
守舍僧常領鶴探好向梢頭
閉細數百三花剩幾枝含

一百三花剩一
梢外舅舊句也

爲趁佳招得得來園林如畫綺
筵開百年幾見花生日一醉
休辭酒滿杯春信欲來風乍暖
詩逋恐負雨先催急圖主客
傳薪賞畱取他時話此回

暗香影裏拓窗紗雅集爭傳韻事
誇縱有杯盤招近局可無
詩句記搏沙鳥因勸醉聲尤婉
客爲能文氣自華珍重諸公

身手健莫將常語溷梅花

妙香室卽事

闌房青豆寂無譁一縷心香透碧紗
風定靜聞音樂鳥窗明深護曼陀花
茶瓜款客知風雅魚板催人老歲華
一盞葡萄淺醉後小詩題壁笑塗鴉

重遊茶禪寺

載酒尋詩憶昔年重來又值好春天
繞門波影倒三楹匝地松陰圍一椽
初地鐘殘閑入定趙州茶喫自參禪
清遊須結蓮花社消夏頻來泊畫船

過一笑山居贈曹魚山孝廉

維岳

小築居然小有天好峰象朶插金蓮
入簾樹影涼吟思落枕

慰託集卷十五

三

泉聲攪醉眠自昔才名傳七步卽今高隱揖羣仙
知君管領

秦溪勝相約秋來共扣舷

時訂有永安湖之遊

題張芑堂徵君羽扇譜

冒雨登堂拜紀羣一編示我寓樓文

此書徐先生寄吳興時所著

羽毛萬

古湖州月筆墨千秋海上雲名士方圓隨意定美人身世入秋分輕紈煙霧秦鸞畫尙欲煩公續舊聞

風雨中渡大湖

茫茫巨浸片帆開激盪波光到酒杯
雨挾風聲掀浪去雲驅山影隔湖來
一林橘樹隨村轉十丈艤船掇柁回
三萬六千餘頃濶扣舷高唱愧龐才

寓居虎阜山樓

山樓幽絕俗塵踈高枕居然卽我廬澗水聲喧秋雨後樹陰涼入畫簾虛琴心酒德憑消遣茗椀詩瓢賴破除漫笑客居耽寂寞只因善病似相如

樊補之

鍾岳

過訪山樓卽用予韻見贈仍次韻奉酬

崎嶇石路樹扶踈蠟屐勞君過客廬鴉雀聲中君避世笙歌叢裏客逃虛新詩真令頭風愈止酒從教肺病除路近香山堪寄隱好聯吟社興何如

虎邱有白樂天祠

樊補之招同元和郭狷夫丈吳江郭頰伽先生錢塘

孫鐵崖烏程倪雨村吳船雅集

酒地花天借一篷琉璃廳映水空濛客參吳越皆名士人老

江湖號寓公高閣簾櫳先夜月小山桂樹又秋風不辭淨洗

慰託集卷十五

三

箏琶耳愛聽希聲七尺桐

時聽鐵崖彈琴

歸舟載菊花芙蓉詩以賞之

片帆南下出金閭黃菊紅芙蓉載一航點綴吟篷添客伴參差風葉弄秋光月移孤影情偏淡水襯明霞豔有香欲倩徐熙傳韻事生綃畫取作歸裝

傾脂河夜泊

落花橋畔水縱橫小泊孤舟聽雁聲水閣燈殘人語靜湖天月出夜寒生客愁未必緣秋動旅夢還須借酒成莫問傾脂舊時事微波只解盪聰明

十月海棠盛放

冬心翻爲海棠顛小朵衝寒劇闌妍花信驚催微雪夜風光

偏占小春天多情休恨尋芳晚好事都傷得氣先畢竟丰姿
青女妬不容畱取伴殘年

冬日偶興二首

竹屋蘆簾坐悄然藥爐經卷結因緣畏寒常袖薑芽手覓句
時欹山字肩無復風情追少日那堪哀樂逼中年安排小榻
南牕下看放黃梅臘月天

支離難問病心情祇覺腰圍大瘦生斷飲卽今無酒債畏人
從此得狂名夕陽如趁鴉飛急小雪多緣雨釀成黃葉堆門
無剝啄只憐疏卻鷺鷥盟

慰託集卷十五

三

青女不吝霜
竹屋蘆簾坐悄然藥爐經卷結因緣畏寒常袖薑芽手覓句
時欹山字肩無復風情追少日那堪哀樂逼中年安排小榻
南牕下看放黃梅臘月天

慰託集卷十五終

慰託集卷十六

嘉善 黃安瀆 編輯

汪繼熊 五

近體詩

題閩秀某畫雁來紅

想見妝臺有所思
蕭疏點染夕陽時
分明閒寫三秋怨
若是春人那得知

舟中口占

閒上漁舟趁夕暉
溪邊瑟瑟晚風微
一篙撐入菰蒲裡
驚起蜻蜓貼水飛

野梅

慰託集卷十六

野梅離立不成行
消得春風自在香
牧笛無腔吹却稱
半籬

淡月照昏黃

春雨

垂楊如線草如茵
無那東風料峭頻
人自無言鶯自語
一般愁過雨中春

白雲泉小憩

閱編繁華更愛閒
白雲深處叩禪關
泉聲要洗箏琶耳
盡日淙淙不出山

題丹叔柳夫子圖

寓公門巷似村居
兩板柴扉曲水餘
課罷羣兒無箇事
百城南面又攤書

終歲生涯寄硯田
晝眠任笑腹便便
我來問字休嫌暮
要趁斜陽下學天

枕上聽雨

欵枕騰騰夢未成
挑燈脈脈一花新
忽聽半夜蕭疎雨
又了明朝一日春

病後止酒

紅友緣何斷淡旬
祇因病起懶相親
春風試暖遊蜂覺
一院花香也醉人

春半

已看新綠上垂楊
一半春光過去忙
只有甕頭春尚早
明朝新釀菜花黃

慰託集卷十六

二

閒關鶯語喚尋詩
泥滑愁人步履遲
花信番番渾不覺
春痕又上海棠枝



夏日田園雜興

經月淫霖水漫塘
雨多反遣桔槔忙
卽看對面人情別
高處耘苗低插秧
尋常占雨近占晴
草露微茫亂濕螢
閒向豆花棚底望
又添幾點照泥星

午後天南陣腳垂
已判車軸雨相隨
豈知漸漸雲頭散
只得涼風一陣吹

樹杪微明夕照開
隔溪隱隱響殘雷
近村得雨何須問
一老披蓑叱犢回

青裙椎髻陌頭行
挈榼提漿餉耦耕
噫息殘機猶未了
籬邊絡緯已先鳴

修竹蕭蕭映碧流
農家風物劇清幽
占時不待繡黃歷
洗手

花開識早秋

夏日游仙詩

鷓鴣斑裊水精簾
長爪麻姑手自添
無奈閒人猶背癢
珊瑚鞭挂九龍檐

笑授裙帶五雲中
愛弄微涼立晚風
正值巫娥行雨過
人間錯認美人虹

坐看丁丁洞口基
神仙何事學兒嬉
青虬貪睡青鸞舞
要睹斑龍一隻騎

慰託集卷十六

三

夜明簾子月同光
柱礎檐楹七寶裝
輕視世人無長物
故將

玉白索裴航

宵來濯足到明河
朝向扶桑晞髮過
忽見羣真好儀仗
笑他天上熱官多

九霞縹緲護丹房
未覺壺中日月長
一枕偶然成小睡
不知人世已新涼

夏日閨中詞

五月池塘尚帶寒
及時瓜果並登盤
新來贏得傍人問
底事黃梅不怕酸

妝成隨意拓窗紗
閑向池心照鬢鴉
蜜蠟通犀都不稱
堦前新放玉簪花

湘簾初捲暮霞紅
小檻迴廊曲折通
點水蜻蜓愛相戴也知
消受藕花風
重門深掩斷無人
只著輕容一色勻
知是蕭郎新睡起
青奴
純扇尚橫陳

小立花前細步遲
綠陰如幄晚涼時
狸奴偏不花磚臥却愛
銜蟬捕雀兒

碧天雨過盡無雲
石葉香清細細焚
斜倚石欄看月色濕螢
一箇坐羅裙

舟行口占

扁舟特作看山行
恰好微陽試嫩晴
睡醒篷牕涼意足一蠅
風裏自秋聲

慰託集卷十六

四

山行卽目

烟鐘何處遠公房
松影如潮瀉石梁
畫出秋山黃葉路一肩
樵擔背斜陽

自題桃華潭水圖

偶煩畫手寫幽居
只恐幽居畫不如
酒店幾家花萬樹不知
何處是吾廬

白板雙扉占斷春
何曾漁父畧知津
謫仙老去風情減憑仗
桃花作主人

睡起

東風庭院不勝情
石葉香殘午夢清
一覺春眠誰喚醒
綠楊
深處坐流鶯

寒食郊游

西陌東阡蝶陣狂，荷花草紫菜花黃。春郊好景誰收得，只讓游蜂采入房。

清游隨意坐雲根，水漲溪橋綠有痕。打徹太平腰鼓急，酒旗多在杏花村。

五月十八夜聽香館被竊戲成

微明殘月正三更，暴客何來恣竄驚。不省案頭詩稿在，那知擲地有金聲。

雨夜與貧谷弟聯句

一燈聽雨坐深更，芝亭簾幙悄悄夜氣清。愁絕牕前桐葉上，

貧谷蕭疏已解作秋聲。芝亭

慰託集卷十六

五

不嫌岑寂雨催詩，貧谷弟勸兄酬且一卮。薄醉未成眼未得，

芝亭雨聲太急漏聲遲。貧谷

卽事

遲朝揮汗酒杯停，并遠書燈一點青。消受白蓮花世界，夜來吟上水邊亭。

題壽生西湖訪秋園

殘荷衰柳好秋光，隄上行吟引興長。最好南屏山下路，一枝槍影畫斜陽。

鴉軋湖心鳴櫓枝，曾看西子淡妝時。湖山自與人深淺，不抱秋心那得詩。

偕貧谷郭外泛舟

寒牕孤坐易生愁旋買漁舟出郭游愛聽打冰聲絕脆自披
風帽立船頭

西風吹出浪花龕兩圻人家日未晡穿過小橋先問訊溪
梅樹著花無

暮色催人緩不妨江邨欲雪晚雲黃中寒中酒蓬牕坐看盡
歸帆晝夕陽

秋雨四截

蟋蟀鳴寒八月天茶烟影裏不成眠如何一樣瀟瀟雨帶一
分秋便可憐

惓惓窗網濕烟生嬾煞村鳩不喚晴試聽跳珠桐葉上滴來
點點是秋聲

慰託集卷十六

六

閒撥爐熏炷水沉亂蛩聲裏逕深深秋牕聽過連朝雨添得
芭蕉數尺陰

溪聲挾雨響嘈嘈橋下漁郎泊小舸量取溪流深淺處菱花
水漲又三篙

種竹偶成

一叢摇曳影參差風景依然入畫時漫道自攜鴉嘴種此君
生性少人知

題子未醒酒聽詩圖

短童向壁篆烟銷殘醉初醒耐寂寥此境世間誰領畧濃香
淺夢可憐宵

年時記宿陸家廳涼月紛紛白滿庭笑我思遲君量淺詩還

未就酒偏醒

湖上納涼卽事

一鉤新月映清流特爲追涼作小游忽聽一聲吹玉笛不知
人在幾層樓

湖光如鏡起微波唱晚漁舟打槳過愛煞垂楊青十里箇中
消息晚涼多

驟雨新荷香可憐水風搖動白漚天鴛鴦不分涼如許仍背
銀塘兩處眠

行南山道中卽事二首

嶂疊峰稠路幾重行吟身入畫圖中山靈不遣秋蕭瑟畧放
巖花一段紅

慰託集卷十六

七

山容瘦削畫秋天獨往尋山策杖便愛聽流泉磐石坐任他
黃葉打吟肩

春陰卽事

坐看爐烟裊水沉簾紋如水靜悄悄凝雲似與東風約吹上
高樓作小陰

壁架深深長紫藤半簾踈雨薄寒凝絕憐一段靡蕪草綠上
階除又幾層

行吟閒倚曲闌干暗惜春光取次殘商畧放晴應未遠鼠姑
例不受春寒

吳興夜泊

扁舟小泊繫垂楊一尺篷牕月淡黃忽見燈光茅屋底料應

紅女飼蠶忙

窪樽亭

幽亭結構白雲灣，坐聽天風夕照間。安得湖流變春酒，石尊傾盡醉看山。

湘溪卽事

舶越風前促棹頻，柔柔影裏見柴荆。人家水圻高於屋，絕似灘頭放酒聲。

翠藪烟籠紫棟花，女郎織手勝薑芽。鬢邊低壓新黃笠，約件

西山共采茶

東西南北各分場，茶笋市分四場侵曉山農上市忙。一樣貓頭誇上

下就中最數九都黃，九都地名產黃色笋最佳

慰託集卷十六

八

題獨游分湖茅屋圖

神鍼暗度筆如仙，老向江湖得靜便。占斷春秋吳越地，結茅長住白鷗天。

蟹舍漁莊有比鄰，白沙翠竹此江村。再來不必從人問，但認

水楊柳下門

禹航道中

一溪新水漲痕平，紫棟風吹五兩輕。已識此鄉蠶事早，竹梯人影剪刀聲。

銷夏集語鴨亭同詠荷花生日詞

亭亭吳帶愛當風，如鏡湖光漾碧空。定爲生朝今日是一池，先放數花紅。

半是紅妝半淡妝
降生佛國自生香
蓮歌一曲荷筒酒好爲
人天作道場

時節吳娃記得清
鱗溪城外畫樓輕
就中有箇低鬟祝莫是
與花同日生

並頭花放劇芳妍
墜粉愁紅最可憐
寄語秋風須護惜
商聲休到白漚天

露坐

碧天如洗露沈沈
絡緯聲中坐夜深
幽絕三更涼月上
粉牆先與畫桐陰

種梅

買得銅坑春色回
一枝墻角試新栽
今宵先要黃昏月
畫取

慰託集卷十六

九

橫枝瘦影來

題定修上人空山我相圖

戒慧當從定裏脩
龍華浩劫記同游
能空色相心無著
不礙觀河瘦影留

稜稜石骨瘦於人
山色能傳無色神
止水洪流同一逝
何須泡影認前身

龐山湖

一抹遙山淡翠微
滿湖春水漲平磯
竹筒短艇人來往
相趁鷓鴣曬翅歸

稜稜菱塘界水田
風漪明處遠連天
夕陽綠得春波潤
細柳新蒲盡可憐

黃梅雨中卽事四首

千條銀竹挂檐牙濕壓茶烟一縷斜幽絕雨窗添好景戎葵
新放兩三花

泥深門巷少經過庭長莓苔徑長莎一鳥不鳴人卧病風簾
如水定微波

癡雲如墨壓檐端點滴聲中坐獨看竹放新梢蕉放葉一庭
濃綠午窗寒

船趁風中紫棟開經旬新雨洗塵埃日長漫道難消遣容易
迎梅又送梅

東湖返棹

寂無萬籟盪湖濤雲影波光一色勻跌坐船頭吹玉笛一聲

慰託集卷十六

十

喚起弄珠人

題胡香輪女史綠琴韻樓遺詩

夙擅聰明詠絮才繡餘拈韻傍妝臺分明刻翠裁紅手只作
曇花一現來

西溪種柳三首

丙舍生慚卜築遲不知誰贈草堂資今朝先種沿溪柳爲仗
春陰好護持

此間合喚柳絲鄉容易成陰待繫航要乞天公三日雨試看
醮水吐新黃

一行離立十多株點綴清溪畫不如說與閑鷗盟約在結廬
遲我此藏書

題陳子玉衆香庵圖二首

四垂簾外萬枝春，月態風情畫未真。
差喜與君同臭味，十年曾作染香人。

禪榻茶烟感鬢絲，前塵欲話費新詩。
沉沉花霧沉沉月，又到嬋娟入夢時。

分湖歸舟同壽生子未作四首

煙波十里望模糊，一棹浮沉似浴息。
占得少陵詩裏畫春帆，細雨過分湖。

結伴嬉春一笑同，春如有意待吳儂。
蘆芽荻筍垂楊線，綠得春波爾許濃。

篷牕兩兩冒風開，檢點苔牋手自裁。
畢竟白鷗能解事，踏波慰託集卷十六

十一

早爲聽詩來

流水桃花三月天，鰕魚肥美正堪憐。
狂夫枉說思歸急，有酒帘邊又泊船。

新涼曉步小園二絕

趁曉追涼負手行，牆根露草暗蟲鳴。
一鉤落月梧桐外，此段秋光畫不成。

踈踈雨過淡朝霞，竹裏棲禽聽欲譁。
染出蔚藍秋意思，牽牛涼放一籬花。

春遊過磬君殯所愴然有作

結伴清遊到水濱，驚心宿草綠如茵。
棠梨麥飯城南路，翻借嬉春哭故人。

胥山踏青

靈胥古廟枕山腰，門外春江有暮潮。
讓與賣錫人，趁市東風一路自吹簫。

乍浦雜詩四首

春山濃靄壓孤城，海舶人多沸市聲。
一角危樓塘口住，朝朝暮暮看潮生。

雪浪銀濤響遠空，茫茫天水渺難窮。
蜃樓可向波心幻，曼衍魚龍指顧中。

破曉帆檣到岸隈，須知昨夜趁潮開。
紛紛估客趨沙市，爭販新鮮石首來。

依山小住兩三家，乍拓紅窗見鬢鴉。
須識箇中春色好，竹籬圍住幾枝花。

慰託集卷十六

十一

初夏水村卽事

打槳溪灣弄夕曛，呼名雛鴨自成羣。
七分樹色三分水，一段人家住綠雲。

題陳秋史司理寒碧軒圖二首

閉門久識陳無已，畫裏軒窗更雅妍。
始悟新詩隨意得不來，亭角卽闌邊。

前宵風雨勢如潮，想見高齋太沈寥。
便欲挈舟遠相就聽松，聽竹聽芭蕉。

題朱婉芳女史畫木芙蓉

碧雲無際護明霞，映徹涼波艷足誇。
不信美人亦秋士，繡窗

閒寫拒霜花

擁鑪雜詩

坐覺寒窗日易斜，畏寒商畧小周遮。剡藤滑笏琉璃淨，只隔風霜不隔花。

出戶幽尋意自欣，閒看征雁趁寒雲。斜陽寫我支筇影，瘦比梅花又幾分。

門無剗啄靜堪憐，興到看書倦即眠。料理寒葦三百窠，聽風聽雪過殘年。

偶披妙繪絕羣倫，澗仄溪坳別一村。便欲移家圖畫裡，四山紅葉擁柴門。
時購沈士充菊茨紅葉圖

題施少峰嵩宿草吟二首

慰託集卷十六

三

山陽孤笛送涼音，追感人琴十載心。真覺太邱交道廣，多於杜老八哀吟。

覆雨翻雲薄俗多，山印況已百年過。情深畢竟詩人最，一慟黃壚一放歌。

夜坐聽風得二絕句

漸漸宵寒怯，做裘尋思先替玉。梅愁西風一夕狂，如許爲做明朝四九頭。

孤坐無聊借酒醺，不知簾外已冰紋。缸花也自冬心抱，開到圓時只五分。

判春詞六首和詩娛主人元韻

聞向尊前唱惱儂，名花名土兩相逢。萬人海裏春如綺，一樹

櫻桃爾許濃

不教芍藥擅豐臺如此花枝似錦開偏近玉堂揮翰手風流
解爲乞詩來

厯落羊車到壁人綺羅叢裏小逡巡只愁花底鶯饒舌解說
吳儂巧貯春

影艷香濃團扇郎吳歌楚舞擅歡場定知繡被熏香夜絕勝
春巢伴海棠

不是春人不愛花花光人影共橫斜最宜暑醉葡萄酒兩雨
秋波暈晚霞

巧將隱語笑芙蓉譜入新詞醉墨濃只恐風懷同杜牧揚州
花事屬渠儂

慰託集卷十六

古

吳江道中

烟波幽絕掉孤舟檣影招人趁碧流差喜病身腰脚健垂虹
亭上看新秋

千人石

青青片石迴無塵月夕花晨坐有人借問山靈會細數坡陀
容得幾吟身

愁愁泉

劇愛山腰碧甃圓愁愁名字更堪憐筭來只稱吳娃汲繡榻
熏香坐品泉

石湖

越來溪水碧于苔十里蘋花取次開簫鼓妓船書畫舫各分

一半夕陽來

張璜字祀北號元圃嘉善人嘉慶癸酉副貢生

黃

若濟

曰張君元圃予之婦兄也長身玉立倜儻不羣

弱冠補博士弟子員自命科第若摘領髭滓鷹隼切嘉
慶癸酉秋試中副車及謁房師知以後場微疵由正榜
抑置聞言懊喪未幾發上氣疾自杭抵家竟不起年僅
三十有三嗚呼科第之得失傷人乃至此耶是可哀已
曩時元圃於制藝之暇與近局諸人結爲吟社題多詠
物之作間或漫興遣懷獨居陶寫頗具性靈積有止祥
虛室詩鈔一冊伯兄錄其可存者如干首以永其傳泉
臺有知視與人世榮名孰輕孰重耶

慰託集卷十六

五

近體詩

豆棚

結繩引蔓占庭阿
疊朶花開小似蛾
促織鳴時涼意緊
平蕪盡處綠陰多
每從新月三秋夜
肯與鄰翁一話過
手把蒲葵酌蕉葉
者番消受更如何

團扇

齊紈如雪裂機中
裁就團欒樣最工
明月一輪秋寫素
輕羅半臂袖搖紅
多情舊記歌桃葉
近事新傳畫放翁
金粉香痕猶點點
記曾撲蝶小墻東

兩窗

乍入黃梅似漏天
兩窗無日不懸絲
爲驅毒潤思燒朮
欲斷

聲聞礙響泉帶水紛爭憐螿命緣牆塗抹笑蝸涎如何好作
消閒計掃地焚香手一編

新柳

淺綠輕黃欲吐時傍牆臨水見腰肢暖風且緩催三起纖月
先來照一絲橋畔未應牽別恨陌頭從此掛相思東皇特與
青青眼好向人間識異姿

題新遷書室

何須別構小精廬整頓軒牕便晏如入戶飛花浮硯滴侵階
帶草映牀書酒尊棊局添幽興藥白茶鐺仿隱居寄語羊求
如過訪此來休復談停車

柳枝詞

慰託集卷十六

去

寒食東風已滿城啼鶯語燕最關情天公不惜離人苦又向
年時折處生

納涼絕句

星抱籬笆西復東阿儂小住恰當中倦來便自拋書坐消受
濃陰一角風

一樹榆陰似織張半侵籬角半依牆驕陽賴汝支撐得縱未
經風也自涼

種竹栽花一徑開綠陰如幄覆蒼苔就中便作羲皇想那許
徐陵帶熱來

夕陽流水板橋西野草間花占滿溪自喜愛涼心計早豆棚
小架不嫌低

浴罷臨風緩緩行
蕉衫桐帽覺身輕
前村我識尋真趣
互送田歌一片聲

四面層陰圍落日
半梳新月趁殘曛
田頭小立遙看去
知是炊烟是斷雲

自歎

壯夫慚媿尙雕蟲
問俗尤踈心計工
一事無成真可歎
卅年身世付東風

編慰託集成附題卷末四首

黃安濤

幾月編摩幾手磨
十人以外一山僧
性真流露自然好
風雅別裁非曰能
卷裏神仙惟老蠹
人間弔客是青蠅
玉杯若作銀杯化
遺憾泉臺恐不勝

慰託集卷十六

七

獨抱遺編似抱經
啾啾詞客聚精靈
當年歎賞同浮白
此日功名祇殺青
未卜他生仍戀戀
可憐余髮亦星星
傷心空繼先人志
不見端書鯉過庭

一輩人多山澤癯
漫將唐宋判詩衢
寥寥陳起江湖集
落落爲主客圖
酒座凄凉花黯澹
交情明白淚模糊
不堪枵觸前遊在
秣月批風字半無

姓氏今非真漢君
雕鏤齊付郢人斤
群賢可有斯文感
九地能無此舉聞
遺稿仍埋劉蛻塚
高秋莫唱鮑家墳
他時攜向楓根讀
讀罷篇篇當紙焚

伯子編輯慰託集成題詞四律子亦附六絕句於

後

黃若濟

故紙叢殘隻字珍更番採錄寄交親
平湖胡瘦山鞞續橋李詩繫同里周次山
明府選嘉善詩鈔並將諸公詩錄
寄嗣緣兩君先後謝世未及成書
而今文字緣方了誰証

名山一段因

子費編摩我手鈔燈殘衙鼓聽頻敲者回重觸黃墟感墨
汁乾時淚點拋

渺矣音容隔夜臺遺編檢自亂書堆會遭劫火兼肢篋可
是精靈解護來
戊辰冬鄰家失火書樓僅隔一壁傾篋倒
麗之餘幸而獲免甲申赴粵將諸公詩本
帶入行篋道逢
偷兒險不被竊

青衫哀怨卧秋墳汗簡今朝好策勛人世功名誰第一尙
羸身後有遺文

殷兄張丈述交情篇目編排次第成身後齊名天早定更
慰託集卷十六

生恰合繼雙生
孫翁名牲顧翁名魁
合編一卷有若前定

高涼政簡近懸鞭搜剔殘詩案牘前此舉若然輕錯過不
知蝨蝕到何年

慰託集卷十六終



839.23217
44833

5535

慰託集

(清)黃安濤編

河北省立
天津圖書館

839.23217
44833

5535

